

宋

會

要

宋銓選

吏部 詳見職官

審官東院典職官同存日不錄

兩朝國史志吏部判部

事二人以帶職京朝官或無職事朝官充凡丈夫吏班秩品命今一出於中書而小選選院不復置本曹但掌京朝官叙服章申請攝官祠祭及幕府州縣官格式闕簿辭謝拔萃舉人兼南曹甲庫之事南曹掌考驗選人殿最式狀而送流內銓 試勾黃給歷之事令史九人驅使官一人 庫掌受制敕黃關給籤符優牒選人改名 置之事令史三人驅使官一人元豐官制 吏部左右選各置尚書侍郎郎中員外郎分掌其事 以上續國朝會要

神宗正史職官志尚書吏部掌文武官選

授勲封考課之政令凡分選有四文臣之祿官自朝議大夫職事官自大理正以下非中書省教授者歸尚書左選武臣外朝官自皇城使職事官自金吾衛伏司以下非樞密院宣授者歸尚書右選自初仕至州縣幕職官歸侍郎左選自借差監當至供奉官軍使歸侍郎右選凡分職有三封爵贈官之事則司封主之賜勲定賞之事則司勲主之官資課最名謚之事則考功主之凡應注擬升移叙復蔭補及酬賞封贈者隨所分隸勘驗法例團甲以上尚書省即法例可否不決應取裁者亦如之若中散大夫閣門使以上則例其遷叙之狀上中書省樞密院得畫給告身則通書尚書侍郎及所隸郎官

尚書左選上

神宗正史職官志審官東院舊止名審官院又置西

卷一百一十五

院掌武選乃以為東院官制行歸吏部尚書左選 神宗熙寧二年五月

十八日審官院言職方郎中張子膺當升知州軍差遣以子膺再犯私罪

停降取旨上令且與通判因宣諭曰主判官司須得人凡如此事若非主

判申請則朝廷或不得知 三年五月詔以審官院為審官東院置主簿

時置審官西院乃降是詔 六月九日詔審官東西院之印各六字為文

令少府監鑄造送禮部給付 九月審官東院言看詳川廣福建皆屬遠

官欲乞今後到院合入福建京朝官如有骨肉在川廣守任者依入川廣

人例權免入遠與近地一任只是於本院編敕內入川廣字下添入福建

二字差遣官負見有同居大功已上親字下以在彼二字改為川廣二字

外即別不衝改前後條貫從之 四年二月十七日詔審官院定差知州

軍監人並當日具姓名申中書次日赴中書審察堪任差委即引見取旨

其應申奏磨勘到京朝官外任者便於歷任前貼出轉官月日取進旨盡

與轉官或展年除中書入熟狀取旨在京者依此進畫更不引見應有將

轉官或減二年已上磨勘酬獎願換堂除差遣並聽施行如曾任陞擢差

遣因罪降黜者並送審官院與合入差遣從中書編修條例所定也 十

一月詔應知州知軍通判令審官東院自今具名赴中書門下審察人材

五年五月四日詔增中書審官東西三班院東部流內銓南曹開封府吏祿其受賕者以倉法論 元豐元年正月十八日審官東院言廣南兩路負闕願就之人少欲乞水上惡弱處為一等繁難處為一等其餘並為一等今運司保明開奏從之 十二月二十四日詔審官東院三班院流內銓各減主簿一員 二年十一月十二日知審官東院陳襄乞委本院官重定本院敕令式從之 三年正月五日御史舒亶言銓院事無正條止憑吏人檢到例因緣或致姦弊乞委官以例刪定為例策詔銓院合施行事並編入敕令格式 七月六日上批早進呈審官東西三班院為本係尚書省職事只令用公牒往還緣司農寺群牧等司亦皆六曹職事今乃獨許三處不用近降旨渾若非朝廷特委隨見今主判為廢已行之命則取此捨彼殊失均直之道未知所以先是有旨審官東院於吏部皆用申狀中書以為不當申抵當用牒後再進呈審官東西三班院司農寺群牧司等皆用申狀 四年二月十三日詔審官東院所請重詳定令敕並歸官制所 八月一日詔中書自今堂選並歸有司 十一月二十五日寶文閣待制何正臣言伏見朝廷比以速官迎送之勞特於八路立法差注計之八路蜀為最遠仕於其鄉者比他路為最衆今自郡守而下皆得

就差而一郡之中土人居其大半僚屬既同鄉里吏民又其所親難於徇  
公易以合黨乞收守令負職歸於朝廷而他官可以兼用士人者亦宜量  
限分數庶幾經久不為弊法兼聞本路差注往往未至盡公蓋緣地遠朝  
廷不能備察而審官吏部所見不過文具而已仍乞八路凡有負職及遇  
指射皆使提點刑獄司通知如有情弊亦許取索點檢聞奏詔八路差官  
自今委提點刑獄司逐季取索點檢如有違法具以聞仍令中書本房立  
法 二十六日詔自今堂選堂占悉罷以勞得堂除者減磨勘一年選人  
不依名次路分占射差 五年二月一日詔吏部擬注官過門下省並侍  
中侍郎引驗訖奏候降送尚書省若老疾不任事及於法有違者退送改  
注仍於奏鈔內貼事因進入 五月改審官東院為吏部尚書左選 九  
月十六日詔應尚書吏部陳乞留臺官觀國子監人年六十以上兼用執  
政官恩例者通不得過三任 六年五月十二日詔臣寮恩例陳乞差遣  
承務郎以上與減磨勘一年大小使臣減一年一季磨勘選人免試執政  
官依五年五月內旨 五年五月五日旨揮實錄不負 六月十八日詔尚書  
吏部四選應犯人合入遠小處監當差遣人並不許叙祖父母父母老疾  
指射家便差遣 閏六月七日尚書吏部言二廣承務郎以上任煙瘴處

差遣除知州係朝廷差外餘過滿一年乞放罷從之 八月九日上批吏部尚書李清臣依先面諭編集本部見隸籍承務郎以上鄉貫出身歷任及所歷差遣功過目為備選具負凡十冊於朝廷官使人材實亦有助宜令依本錄上中書省照用 二十八日尚書刑部言乞應吏部補授大理寺左斷刑官先與刑部大理寺長貳雜議可否然後注擬仍取經議得循資以上人充正關以丞補丞關以評事補詔刑部吏部同著為令其後着令司直評事關選尚書及侍郎左選人丞關止選尚書左選人仍經任司直或評事係親氏資任者以上二件其初改官應入知縣人亦選正關選丞或司直評事見係通判以上資序以上所選仍不限見任授訖未赴即曾失入徒以上罪以決或死罪若私罪情重及贓罪或停替後未成任各毋得入選 七年正月十三日吏部言准詔定奪繪像臣僚之家食祿人法看詳致仕停俸年七十以上受官事故勒停無叙法殘疾不堪入仕不理選限之官欲並不為食祿人從之 哲宗元祐元年閏二月八日資政殿學士曾孝寬言乞下吏部取官制以前舉官名數委官司裁定有可以仍舊者著為令詔可 二十八日詔八路知州通判簽判監司屬官承務郎以上知縣大小使臣負關並歸吏部差注內接送人合支顧錢者並合



只差兵士內有專條并奏差及一時旨揮及其餘闕并水土惡弱及自米差攝官處並依舊 六月一日詔新復郡縣知州軍並堂選餘吏部選差

十四日詔吏部重修簡要選法以聞 十月四日詔內地及川廣知州

通判除堂除人外並以三十箇月為任 二年八月十六日三省言應曾

歷省府推判官臺諫寺監長貳郎官監司人並合堂除而知州軍闕少每

於吏部取差有妨本部擬授詔以前後條絲酌使兩不相妨立法以聞於

是以知州軍闕一百四上朝廷以九十八分吏部 三年十一月四日三

省言在京堂除差遣累有增改而吏部闕少官多今裁定寺監主簿太常

寺太祝奉禮光祿寺太官令元豐庫牛羊司京東排岸司諸官院教授太

康東明考城長垣知縣並吏部差俸錢依在京分數從之 四年八月二

十六日吏部言比詔內外官司舉官悉罷令本路立定合舉官處今請尚

書在選除權貨務等仍舊舉官外左右廂店宅務文思院太常寺協律郎

內酒坊法酒庫作坊八作司通判軍使往備勾當市舶司經撫庫務等尚

書右選除都大巡河及御廚等仍舊舉官外法酒庫內酒坊街道司作坊

八作司便錢博易務排岸司都監巡檢軍使知監縣監修營房等侍郎左

選職官令錄判司簿尉并鳳翔司竹監獨負縣令城寨主簿監當縣尉等

侍郎右選武學學諭巡檢寨主催綱押綱文思院作坊八作司等城寨軍使知縣縣尉巡檢監押巡防勾當公事指使準備差使部役押隊退背河埽催綱監當等並從本部注擬從之 五年正月十八日中丞梁燾言尚書左選有本等人不就知州通判知縣負關數多雖許權宜發遣須俟過滿起請致常有積壓乞許以次等人指射差注詔吏部相度以聞 四月十一日吏部言大理寺并太學正錄等官及編修敎令式之類應不用舉主轉官者乞差承務郎以上詔除秘書省正字太學博士大理寺官外從之 八月二十二日吏部言官負犯私罪若老疾差替者依近敎便令罷任外其公罪差替並候替人願罷者聽從之 六年五月十八日吏部言按條官負不因罪犯體量難任注謂舉辟及對移就移避親丁憂罷任之類別授差遣各願補滿前任月日者聽所補不及二年願再滿一任者亦聽看詳條元無對移之文亦無添入意義所有對移二字殆為虛文今欲於注文內除去從之 六月十八日御史中丞趙君錫言近論臣僚堂除差遣今歸吏部者既眾其闕至主擬不足欲除清緊繁劇由朝廷除授外餘闕並送吏部詔見今堂除闕內單利耀溫州知州霸府石州順安軍通判並送吏部差注 十二月二十二日御史中丞鄭雍言伏見吏部負多

闕少堂除遷徙太數遲速不齊非常行之法也今後吏部所差知州通判人並依舊以二年半為任六曹郎官除非次遷進外並實以三年為任如以負多闕少即乞量減年月或以差除難定即令少延歲時每有闕員隨材進補不必通遷如任滿朝廷考察顯有才効雖不次遷擢亦足以風勸在位其堂除知州及監司如非朝廷須合遷召並不以無名除改詔應內地知州通判除堂除人外並依元祐元年十月四日法差注紹聖元年四月二十一日殿中侍御史朱之邵言先帝嘗詔有司撰選格以堂除辟差遣悉歸正吏部選授當時士論號為至公元祐初始罷選格愈益苛繁請按元豐法參以祖宗舊制庶幾開至公之路監察御史郭知章言願詔大臣少草堂除猥濫之弊為之節限應舊屬吏部開者皆復還吏部又言願令吏部循用元豐選格推而行之則堂除之弊可以少去詔給事中中書舍人裁定五月八日監察御史郭知章言先朝有八路官負指射差遣之法最為利便元祐廢廢今請復行然止於選人可也若京朝官以上職任稍憂必使歸於吏部詔吏部立法以聞九日吏部侍郎彭汝礪言乞稍責吏部薦拔才能上于朝廷應尚書左選待差遣官有才能事効可陞擢者委尚書與郎官同共銓量具名以聞每歲毋得過三人三省等第

考察工等取旨引對中等隨才試用下等退送本部其人材事狀不可入  
本等差遣者亦具名聞奏取旨送部與降等差遣毋得過三人如有銓量  
不當依貢舉非其人律從之 十五日門下中書後省言奉詔按元豐選  
格參以舊制裁定堂除今請沂博唐 濮懷衛名通泰滁和舒漢解州淮  
陽軍知州軍荆南應天河南大名成都府鄆杭州成德永興軍通判左藏  
南北庫元豐庫係元祐後來收入中書省差人欲復歸吏部差注詔左藏南  
北庫元豐庫并解州知州仍舊中書省差人餘並從之其吏部選格令本  
部看詳具未盡未便事理申尚書省 七月六日吏部言本部選闕舊法  
不服名次並校量功過分數優劣定差後來改立選法只用名次致有功  
人或在無功人之下有過人或在無過人之上欲更下有司以前後條制  
參酌修立詔令吏部四選同看詳門下中書後省所修分數選格有無窒  
礙具合增損申尚書省 三年十月五日吏部員外郎何友直言伏見諸  
案文書多有舛訛朝省既憑用行遣尋復覺舉追改不惟費煩頗於士人  
身計有妨而元行之人但用赦降首原滋長姦弊無以懲父今將舊條參  
合修立應差注升改牽復違戾若賞罰升降不當謂已行訖者吏人斷罪  
有差仍不以赦降首原若未行而於賞罰無僭差者自從原減仍並重輕

重理過名上簿事理重者申尚書省從之 四年四月三日三省言元豐  
差官職位高下稱事立為畫一草去臨時旋有申請輕重不倫之弊元祐  
中罷去今欲並依元豐條施行從之 元符元年二月十五日吏部言林  
希元八路負闕用熙寧元豐舊條并紹聖新制一處參酌修完成書詔令  
吏部四選同共編修已將川峽福建湖南路李闕並去替一年使闕從之  
二年四月四日朝奉郎禮宗旦言熙寧八年差官條見任官去替一年  
內許在任指射差遣已依熙寧舊制吏部看詳除廣東西夔州路已今在  
任指射外請將五路合使負闕去替半年依舊制許在任指射從之 六  
月四日吏部言八路合使負闕除二廣已仍舊在任射闕外四選勘當欲  
將本路合使負闕悉依熙寧元豐舊法并見行條約施行其已修夔州路  
差官條仍乞重行改定從之 徽宗崇寧元年十一月二十八日臣僚上  
言臣欲乞聖斷嚴立條式每歲終委省寺監之長攷其屬官之成六曹尚  
書考其郎官之成尚書都省視六尚書之成者陟之不成者黜之如周官  
大計群吏之治而誅賞之法庶幾官師相規疊疊夙夜率職超事以上副  
陛下董正治官之意詔令吏部修立每二歲黜陟之法聞奏 三年六月  
十一日講議司奏臣等竊以本朝承平日久民事滋多而所置負額未增

或一員通攝數職難以責其治辦又入仕之路寢廣吏部常患員多闕少  
注擬不行今參酌諸州軍令增置通判兼判職事曹官共三冊如可施行  
已下尚書吏部注擬從之 五年九月二十二日詔夔州知州令吏部依  
格選三人申三省審差 大觀三年五月十六日新差提舉永興軍等路  
常平韓蹈奏臣伏讀八寶赦書應行重法州縣並特與免重法地分天下  
莫不知陛下仁民愛物無此疆爾界之異元元鼓舞孰不遷善遠罪歡仰  
聖澤然臣竊見吏部曉示關榜尚仍舊有重法地分之文依格注官今陛  
下已免重法之刑矣而有司選注猶循重法之格臣愚願詔有司釐正仰  
稱陛下視同仁之意詔吏部去重法二字仍改立選格由尚書省 六  
月十五日詔知州通判知縣關緣臣僚陳請收作堂除去處今後並歸吏  
部差注帥府望郡職官今後並選差資序應入人聽超一等如曾犯賊私  
罪及停替後未經任者不差以言者論堂除差遣侵吏部負闕甚多也  
八月二十一日朝散郎新差權福建路轉運判官柳庭俊奏臣聞用人有  
二資望而已以資用人則拘牽常格其弊至於賢愚同帶以望用人則驟  
開要津其弊至於奔競成風蓋前世之所以誠而今日所當稽者欲望明  
降睿旨申教有司使循守資格以待積勞平進之士時用望實以擢卓立

特起之才二者相為用而不滯於一偏品式不廢足以裨消僥倖苟得之風詔令吏部看詳見行格內有不合元豐法者條具將上取旨施行九月二十日吏部言進納出身人不許奏辟從之政和元年正月二十日朝請郎試吏部尚書兼詳定一人敕令王襄奏契勘吏部尚書左選郎管朝議大夫以下至承務郎四千餘員都管知州至監當闕共二千餘處一人在任一人待闕方得均遍目今在本部官共四百餘員兼日逐不住官員到部近奉旨擇剋例一年三季開祇得七十餘處顯是差注未行臣竊見諸路轉運提舉鹽香礬事陝西解鹽河北糴使等同奏舉官闕共六十處例各優厚去替不速虛有拘占未見辟人銓總之職散於四方實滋奔競請託之風有害元豐設官之旨欲望聖慈加惠寒賤特許上件六十處關於本部榜示依條差注一次及亡於一年一季外更借兩季開次庶幾可以發遣二百餘人庶免留滯小官從之三月十六日臣僚上言昨論尚書左選差注壅滯蒙降付吏部令措置條畫聞奏本部尙勘人吏督其稽滯凡數月不能與奪者不出旬日盡行注擬雖已條畫得旨施行尚有未盡者吏部舊法每集注通已時非次經使共許就三處不得其上必得其次今每集注止許就一處一處不可得須俟來月則滯留之源又將肇

於此如舊法通就三處宜不可廢吏部越外修立此項惟胥吏便於定擬  
以應一時之急而待次之官舉為非便且欲乞特降睿旨更令吏部詳度  
條具以聞詔集注權許就三處仍作一時旨揮 二年六月三十日手詔  
朕紹休考烈獲承丕緒地日以闢民日以庶事日以繁而建官之數循仍  
祖宗之舊逮至于今負多闕少世知以官為冗而不知多士以寧之美惠  
事不舉而不知官少力不任之弊乃者有司不深究其本人減負額削祿  
康欲省官裕國實無所益而士之仕者仰不足以事俯不足以育朕甚憫  
之在熙寧中先帝董正治官嘗詔官觀置員縣置丞屬實在乎是所有官  
觀縣丞闕依大觀三年四月以前旨揮其餘減罷官可令尚書省具合存  
廢以聞 三年三月十八日吏部奏奉議郎新差萊州司錄事曾定國狀  
今任司錄職事正管糾察刑曹合與不合理為實歷本部勘會承議即以  
上須要一任實歷親民或刑獄差違方許關陞今來曾定國未敢許理作  
實歷詔諸州司錄許理實歷親民并六曹官係第二任知縣資序人依此  
閏四月二十五日宣德郎呂頤浩奏祖宗時內外差遣并付審官院流  
內銓堂除窠闕不少士大夫自今有調官之路故請謁奔競之風息近世  
以來堂除闕多侵占擬士人失職若不改更為患滋甚欲望聖慈下吏



部考祖宗朝故事除監司知州軍及舊格堂除通判外如監司屬官鹽場  
坑冶錢監等寮闕一切擬還吏部自監察御史省郎以上及秘書省官高  
局計議編修官堂除外如寺監丞法寺官外路學官亦依祖宗及熙豐間  
故事令吏部依格法注擬如此則數十年以來奔競之風必衰士人既有  
入仕之路則自知廉耻矣詔依內武臣依樞密院條格并準備將領正副  
將以上依舊樞密院差注外餘弓手部將縣尉州指使已下並撥歸吏部  
注擬 十二月二十八日詔守臣令吏部今後依格選擬申三省審擇  
五年四月二十九日詔二廣四川沿邊處不注授宗室女夫令尚書省立  
法 六年三月二十九日吏部侍郎劉煥等奏伏見諸路州縣官有任滿  
酬賞如廣南新邊及其他路分因事立賞之類非得替罷任須所屬次第  
保明方行推賞然諸處保明多不依條式不免再行會問往復報應動經  
歲月蓋為自來未有行遣日限欲乞今後合保明推賞去處並依任滿得  
替文書到日本路州軍應所屬去處並立限次第申奏如出違日限或不  
依條式致推賞不行者其合干人並科罪施行庶使職事終舉者罕需恩  
賞乞下有司立法施行詔依令詳定一司敕令所立法由尚書省 五月  
七日吏部言乞今後初改官人須入知縣其權入近地人限注見闕六十

日不就依次直注一次即無衝改舊文從之 八月六日詔今後合轉官

礙止法人回授與本色本宗有官有服親 十一月二十三日吏部奏勅

會假將仕郎係本部出給補帖假承務郎承奉郎承事郎係朝廷出給黃

牒其自將仕登仕通仕郎並係出給官告今承御筆旨輝假將仕郎除去

假字可為將仕郎假承務郎可為通仕郎致本部未敢依舊出給付身黃

牒補牒亦未敢並依階官出給官告所有今日已前見帶階官之人亦已

依崇寧二年九月三十日旨輝並隨本資帶階官更不出給告身從本部

行下本州本司本處一面改正帶行勘會見帶階官合改官名人已降旨

揮令吏部出給公據外詔並出黃牒 以上續國朝會要 尚書左選下

政和七年三月二十四日詔成都府利州路州軍縣鎮文武等官多闕

正官內成都府路見闕一百三十餘員利州路見闕六十九員或已擬差

避怕川遠故意違延一年已上更不赴任或久闕正官時下差官權攝一

切職事悉皆苟簡課入虧失良民受弊仰吏部將前後川任之官條格參

酌立為永法限半月上尚書省取旨施行 六月二十八日新知陝州李

延熙奏竊以川陝四蜀是為地遠而蜀道之難利路尤劇山峻路險棧閣

崎危羊腸九折上摩蒼穹故仕宦者畏而不敢來長途遠涉艱辛尤難休

入微薄所得不償其費故東西之人知而不敢授以此本路闕官一郡之間或止有一人總而計之一路十州闕官無慮數十員則廢職事從可知也近者陛下詔有司立法減舉官員數以勸仕宦之人臣仰惟立法之初四方遠宦未有知者臣切見吏部待次之人甚多而川路待次之人極少方今川路闕官之際宜在從權欲望將四川轉運司見使負闕不以遠近權取歸部以注在部之人仍將減舉官法揭于吏部之門其事故之人合添舉官展考任者並特與免候及一二年逐路不至闕官却依舊差注庶幾東南遠宦之人皆願入川四路州縣必不患闕員矣詔吏部合使負闕令本部限十日差注十月二十三日臣僚上言承平日久士日益衆入流日益多盡天下員闕不足以充選每三人守一闕一名在官一名被替一名待次凡五七年纔成一任其有取急一時或憑藉勢援又請宮觀祿廟以去今任宮觀人已及千員京師寓居僧舍賃寄邸店盈滿所在不可勝數其間蓋有嘗為監司郡守即官寺監者旅寓雜處動一二年朝廷既無闕以除授吏部又不收收係欲乞付三省討論議永久之法以幸多士三省契勘欲堂除人得越一等謂初任知縣不許除授通判之類并未經任及見係銜差替放罷若愿任有贓罪並不得堂除未經堂除人不許

陳乞諸州軍軍資庫並專罷文武監官一員令吏部於承務郎以上及選人大小使臣內通注諸路州軍應置六曹去處並隨曹置官更不得互相兼領其差注等法並依見行條令施行內有掾官去處並依舊應未應出官人及選人小使臣并大使臣武功郎以下並不得陳乞官觀諸路州軍甲仗備城庫未置監官去處並專置監官一員令吏部通注大小使臣其差注賞罰等並依見行條法施行諸路監司各添置准備差使指使各二員帥郡准備差使二員指使三員節鎮准備差使一員指使二員列郡准備差使指使各一員內准備差使許保義郎以上指射指使許承節郎以下指射令吏部各依本資序差注諸路知縣縣丞員闕許令尚書侍郎左選不以資序並許通行差注諸縣萬戶以上及素多盜賊去處並添置小使臣縣尉一員令與見任官同共主管職事諸州軍應未置通判司錄去處並許添置通判司錄一員鎮市人戶繁多處置監官一員人吏諸色人並不得用減年或恩例陳乞改官并為陳乞人並科罪詔依擬定違者並以違御筆論人吏陳乞詳具職掌門八年五月三日臣僚上言京東路諸州縣令多有闕官雖本州或監司差權然移易不常職事廢弛民受其弊伏覩河東路闕官處近已措置差注諸路視河東雖旁邊繁劇不同而百

里之寄則事體均一欲乞令諸路具久闕縣令去處下吏部申嚴差注之法或促赴官之期度後不闕正官職事廢弛民無所訴詔仰尚書吏部詳具僚所言檢會諸路久闕縣令正官之處依條疾速差注或有違礙相度措置作一時指揮申尚書省取旨施行已差下人並限三日催促赴任其推避不赴者依尋醫侍養人例施行以戒墮吏 九月二十九日吏部奏奉御筆因事設官或有定額日近州郡官額外添差至多不唯冗濫騷擾州縣實滋交結營私之弊侵紊官制莫甚於此自今諸路監司官屬諸州掌庫及曹掾官非奉御筆不許添差雖係御筆而已添差一負者執奏不行其添差人已到任且令候成資罷任其未到任人更不前去違者以違御筆論仰御史臺常切糾察本部勘會宗室依條不注見闕唯內地州軍許添差一負不釐務通州縣不得過四負及歸明蠻徭人亦係添差並任滿不注替人今承前項御筆指揮本部即未審宗室及歸明蠻徭大小使臣各有立定添差負數條法依今來指揮許與不許添差又奏三路都總管司教押軍隊緣自來止是添差即無正額並滿日不注替人語宗室并歸明蠻徭人許依舊條添差並不釐務總管司教押軍隊依舊添差 宣和二年八月九日吏部奏檢准政和五年六月十一日教勘會選堂闕自

來雖有吏部已差下替人若未及半年便行銜罷顯屬非辜待旨今後合  
還堂闕如有已差下替人未及一季朝廷使闕差人勘會已差下人雖未  
及一季亦係銜罷詔今後應還堂闕未還堂以前已差下替人許令赴任  
後來却還堂一次 十九日中書省尚書省言送到吏部供到下項一元  
豐年選人曾任下項案闕太學博士正錄律學博士正錄國子監博士正錄  
武學博士正錄大理寺司直評事秘書省正字判令所刑定官國子監書  
庫官一見今選人任在京案闕下項秘書省正字辟雍博士正錄直學太  
學博士正錄國子博士正錄武學博士正錄律學博士正錄大理寺司直  
評事敕令所刑定官國子監書庫官吏部架閣文字及戶禮兵刑二部架  
閣文字編估局刻削折抄官打套新法香藥開封府學博士河南河北諸  
石炭場京西軟炭場抽買石炭場豐濟石炭場城東新置炭場醫藥中惠  
民局管勾礼部貢院平貨東場平貨東場交易官在京都各庫大觀東庫  
大觀東庫門大觀西庫大觀西庫門封樁竹太務東場封樁竹太務東第  
二場封樁竹太務西場皇后宅小學博士睦親宅宗子學正錄睦親北宅  
宗子學正錄睦親西宅宗子博士周王宮宗子學正廣親北宅學正廣親  
南宅學正尚書吏部官告院善利門管勾專一入明監事作坊料物庫門

作坊料物庫東作坊庫西作坊門金耀門文書庫開封府架閣文字西南  
北抵當所東退材場管勾監轄炒造丹粉所在京裁造院東永豐倉門在  
京木炭場京東箔場京東抽稅竹木箔場皮角四場庫管勾外排岸司麥  
料下第八界軍器監淮備差使稔米上第八界粳米下第八界文繡局天  
駟監倉草場麥料上第二界安肅門廣利門籍田令推貨務軍器什物庫  
太社局令城西炭場大理寺習學公事選元豐選人稟闕并學官並依元  
豐法差管勾六曹架閣文字並罷令本部未曹郎官兼領打套新法香藥  
并歸權貨務官吏更不差編估局刻削折抄官物并為一局差文武陞朝  
官各一員餘并抄鈔吏額令尚書省措置存廢內合存留官止差京朝官  
大小使臣 三年閏五月十日中午書省尚書省言勘會文武官用恩例陳  
乞親屬差遣非奉特旨依格止合作減年免試收使詔令吏部申明行下  
九月十六日吏部尚書宇文粹中奏乞令逐路州軍委通判司錄或曹官  
一員專置文簿驅催應見任新差官職位姓名到任年月日若有諸般事  
故違年之類并限當日申本部照會使關差注等者詳已有條法并不須  
立文今擬修下條諸命官到罷事故元官限滿不赴同已申尚書吏部者  
限三日再申仍委通判或曹官專一置簿銷注轉運司每季取索點檢從

之六年閏三月六日臣僚言唐太宗省内外官定制為七百三十員曰  
吾以待天下賢材足矣今四選無慮一萬六千餘闕而當有員多闕少之  
患者其害有二有委法弗守鬻法弗懲公據陰奪之害諸奏辟官不許權  
選職任并衝移已差注替人及半年者此法也自今乞應辟官並遵守成  
法不許衝移已差注及半年人違法奏差許吏部執奏不行則公據之害  
除矣諸州員闕並以三狀一廉訪所一吏部一御史臺使吏無所隱則陰  
奪之害除矣從之 七年五月八日吏部奏奉御筆吏部取索應已授被  
改欲赴被罷及待次累年考者並具以聞當隨材錄用人據吏部申宣和  
七年二月以前已授被改欲赴被罷并待次三年以上文武臣共二百四  
員等奉聖旨令吏部四選將已授被改欲赴被罷并待次三年以上官員  
數及採例見榜闕下項尚書左選吉陽知軍等闕五百三十一處尚書右  
選三十七員陝府潼關都監等闕五十八處侍郎右選五十九員勾當廣  
親宅門等闕共計四百處侍郎左選七十二員解州戶曹等闕共計二百  
四十七處詔已授被改欲赴被罷及待次三年以上官擬今來吏部判到  
案闕令逐官指占合入闕次內堂除人與理作堂除 欽宗靖康元年四  
月五日詔今吏員很多注授闕少皆有留滯之歎有旨依熙豐法監司守



貳並替成資關其樵茶司提舉茶鹽坑冶鑄錢輦運撥發糴使市舶諸州  
司錄及太學博士正錄寺監丞簿剛定京朝官并開封府官準此內係監  
當資序人即替年滿關 十三日監察御史胡舜陟言天下姦惡如織蕪  
穢即縣吏部充塞無關以擬注版曹空曠不給於祿廩願詔吏部稽考庶  
官凡由楊戩李彥之公田王黼朱勔之應奉童貫譚稹等西北之師益昌  
於父子河防之役與夫邊蜀湖南之開疆關陝河東之改弊吳越山東廣  
田宮觀池苑營繕之功後苑書藝文字庫等之賞淫朋比德各從其類又  
如近習所引獻頌可採効用宣力應奉有勞時赴殿試之流此皆殃民蠹  
國敗俗妨賢姦克取位賕賄買官所叨恩數不限高卑一切褫奪還其本  
秋若非此族而橫竊名器如節度橫行之貴仕祕殿延閣之華資或以童  
稚奴僕而濫膺或以商賈胥徒而貨取人人論列簡牘徒繁願令吏部略  
具開闕關諸臺諫分使看詳上之朝廷次第裁抑其坐公田等事如鮮于  
可等非理譴逐宜自六月日復其資秩恩數量才旌擢以勸忠諫然後  
位著可清賢能可進生民可安國用可節若唐去斜封墨敕之官一日停  
數十員不以為疑則令亦何難之有從之 七月二十八日詔吏部四選  
將逐曹條例編集成冊鑄板印賣從尚書莫儔之請也 八月四日臣僚

言諸路監司多於屬部妄以公使為名轉託買物州縣之吏括歛於民租  
載以獻或狀稱請錢而實不支給或雖給價直而十無一二及其敗露率  
蒙寬假寅緣請託更得美官雖告戒丁寧而犯者益衆誠以防禁之法未  
周也乞令諸路監司互相察舉擇其甚者置之重典仍令吏部籍記姓名  
應有除授先具有無贓罪彼貴盈者自當終身廢棄所犯雖輕勿使遷擢  
庶幾為贓吏者知有戒懼從之 十六日臣僚言祖宗時未有宗室參部  
之法神祖廣博叙之恩時時選擇差注一二用以勸勵不為常制至崇寧  
初大啟僥倖混亂選舉遂使宗室任意出官又優為立法今日參選即在  
一部名次之上雖有年月深遠勞効顯著之人悉為所壓名州大縣并差  
遣優便廩入豐厚之處悉為所占以天支之貴其間秀茂文學政事不為  
無人而青梁之習貪淫縱恣出為民害者不少議者頗欲懲革不注郡守  
縣令罷百十人之私恩為億萬人之公利以臣觀之誠為至當然臣竊慮  
聖慈以親愛未忍施行今來只乞與在部人通理名次亦可以明德意示  
至公稍塞僥濫之門從之 以上續國朝會要 高宗建炎三年六月二  
十日詔京朝官願替先差下人將來成資闕選人願替將來任滿闕者聽  
並申部別給付身其有願別注授者即依條理元參部名次不拘路分在

外指射合入窠闕、四年十一月二十一日吏部言左選見榜窠闕數多在部應格人少乞權行措置破格差注一次從之 紹興元年五月四日吏部言本選見曉示縣丞并朝廷送下監當闕百餘處並係合注第二任知縣監當等人其合入之人往往不肯指射乞限滿一月無合格人願就許令初任監當無舉主人并新改官未經任人哀同差注從之 二年四月三十日臣寮言自夾吏部闕並以三年為一任今負多闕少乞應在部知州軍通判簽判及京朝官知縣監當闕並令權以二年為一任庶可撥遣淹滯從之 五月七日吏部尚書權邦彥言勘會舊來齊州諸鎮並不選用差注今來尚書左選案牘昨緣兵火散失遂於建炎三年五月內申請到差注畫一內監鎮兼煙火公事差知縣資序次第第二任監當人更不較量功分見行遵用今承朝廷送下湖州新市鎮闕令吏部依舊用選法差京朝官本部若將官負功分較量竊慮將舊未恩例陳乞無案牘憑驗亡比附舊日齊州諸鎮例止依建炎三年指揮差注從之 二十八日詔主管西南外數宗院太宗正司宗室財用推貨務都茶場並依舊堂除御史臺檢法官依舊本臺再辟監場官依舊本路提舉官舉辟寺監丞主簿登聞鼓檢院官告進奏院左藏庫糧審院官外路節鎮簽判兼攝知縣

市舶排岸司監官並令吏部按格法差注先是呂順浩等二當闕自監司  
屬官鹽場坑冶錢監等一切撥還吏部寺監丞法寺官外路學官亦依祖  
宗及熙豐故事令吏部按格差注緣有合堂除及專法奏舉去處吏部以  
為言故有是詔 七月二日吏部侍郎蔡密禮言尚書左選昨將縣丞窠  
闕如限滿一月無合入人願就許差破格承務郎以上第二任監當無舉  
主并初任監當及新政官未經任合入監當人欲乞將見在部官并已後  
到部官并已後到部人限至今年終許破格差注一次從之 二年十一  
月二十二日吏部言近承指揮如寺監丞法寺官等並撥還部按格注擬  
除已措置其餘闕外有該載未盡如官告檢鼓院並係熙豐後來堂除今  
撥歸部未立定差法欲比附糧審院元豐法注知州次通判次知縣人從  
之 三年正月十九日詔今後應用舉主初改官人許依法注見闕外亦  
許通注吏部見榜示知縣縣丞待闕差遣從吏部請也繼而侍御史辛炳  
言訪聞見今吏部稱係一時申請無今後依比之文顯有妨阻欲乞應有  
非次并季闕知縣縣丞待次窠闕並許通注從之 四月十三日吏部言  
本選所掌承務郎以上至特進遷轉除授奏薦致仕遺表特恩等文字近  
因遺火燒毀素牘其間有整會特旨諸被恩賞轉官人已繳干照或元降

許行收使指揮文字在部或取會諸處及元保明官司未到并見申朝廷  
候指揮間緣火燒毀並作無干照告示難絕詞訟乞將前項似此之人如  
所屬見有當時干照及富有本部取索符帖等或但有官印押文字一件  
可以照驗召本色官二員委保本部勘驗依條施行從之 五月四日詔  
二廣荆湖南北應承務郎以上官并大使臣寮闕任滿已差下替人一員  
去處雖未嘗申到任亦從本部行下進奏院取會剗刷出闕以出闕須候  
州軍報到任月日往往違滯尚書洪擬言故有是詔 六月十三日吏部  
言諸路縣丞曉示已滿一月無人願就者破格差注初任洲獎改官未經  
任依條合入監當人并第二任及初任監當無舉主人所責在部合入監  
當不致留滯從之 二十九日吏部言前監瓜洲鎮朱公彥在任遭金人  
劫虜殘廢出身以來文字得旨時許用王罔曾保舉印紙作干照公彥係  
在通直郎被舉陞陟即未有奉議即以後干照詔公彥召當時在任陞朝  
官二員委保諸實依條施行 六年五月十四日吏部言勘會尚書左選  
官員青降或緣罪配到部合入遠小差遣之人依法以去京千里為遠州  
以二萬戶縣以五千戶為小今駐蹕兩浙其合入遠小差遣人已依侍右  
申請到比附紹興令權以在行在處千里為遠州以軍事州縣以下縣為

水候還闕及戶部取到戶口帳籍並依舊從之 十二月十八日詔知州  
通判除依舊格堂除并量留外餘闕并寺監正丞博士登聞檢舉進奏官  
告文思諸司諸軍糧審院倉場庫務局所法寺官外路學官並令吏部按  
法差注先是檢會紹興二年閏四月呂頤浩奏檜劄子奏近來堂除闕多  
及占注擬乞在外除監司郡守及舊格堂除通判在內除監察御史省郎  
以上及祕書省計議編修官盡發還吏部又檢會紹興二年閏四月吏部  
侍郎鄭滋劄子本部承指揮堂除無通判案闕可差在部人無知州注授  
今措置知州軍堂除共八十九處本部使闕共二十七處通判堂除六十  
二處本部使闕二十三處內吏部使闕知州軍二十七處如兩月無本等  
人差注即取朝廷指揮勘會知通等闕近往往取作堂除致吏部負多闕  
少差注不行故有是詔從後有釐革 七年正月二十四日吏部措置到堂  
除知州軍共一百九處吏部六十一處堂除通判八十處吏部六十一處  
內通判雙負依舊一負堂除一負吏部使闕從之 四月七日右司諫王  
縉言近詔吏部注擬知州通判知縣並長貳精加選擇而差注之日例出  
文引差人追請又令醫者診視小人無知因緣邀乞士大夫實耻之乞只  
告示應差注人呂赴部以俟選擇與免醫人看驗以示禮重士夫之意從

之五月八日行宮吏部言契勘梅州已改為程鄉縣仍帶程江軍使兼知縣事令本路帥司辟差願就人其第二改即合吏部使闕欲送尚書左選差京朝官從之七月十九日臣僚言朝廷立銓量之法付之吏部所以盡公無私也近陳正同除提舉茶事考其資歷纔為監當而正同乃引曾除郎官欲免銓量契勘正同得旨除郎資淺言罷實未嘗經任也況今銓量士大夫正謹於資序若或放行則舉例者衆乞下吏部依法施行從之十月十四日臣僚言頃朝廷欲革內重外輕之弊即官館職三年並除外任以至堂除部闕稍加更易故寺監丞至釐務官教授送部者百闕而取知縣隸堂除者四十處未幾即官館職應去而請者紛然既不克行止令別聽指揮但堂闕送部部闕隸堂尚仍近制欲乞兩還其舊詔堂除部闕並依紹興六年十二月十八日指揮以前舊制施行閏十月四日尚書省言分撥歸吏部知通策闕內知州軍榜示兩月無本等人授申取朝廷指揮詔將吏部通判闕依知州軍例施行八年三月二十三日中書門下省言已降指揮吏部注擬知州軍通判知縣縣令負闕並令長貳將應格人精加選擇非癯老疾病及不曾犯賊及不緣民事被罪者內繁簡不同縣分即審度合入人材力方許具鈔仍申門下省審察旬具注擬

過人脚色調送御史臺如注擬非人許彈奏勸會吏部注擬知州通判知縣縣令自有成法兼舊制知州軍人定日過門引驗其通判已下即無審察之又詔今後守倅知縣縣令除內曾被罪及疾病者仰吏部申取朝廷指揮餘並依舊制四月十八日御史中丞常同言吏部守倅知縣縣令負調先降指揮令長貳精擇非疾病犯賊及不緣民事被罪者方詳注擬後來朝廷察見逐項情節係在格法之外今年三月二十三日再降指揮除內有曾緣民事被罪及疾病者仰吏部申取朝旨餘並遵守舊制切詳民事一項初無立定名色失之泛濫遂使人吏因此得以且抑在部之人欲亡自縣令以上非自犯民事得罪而因人連累者止令依格法注擬更不申取朝廷指揮從之九年十月十七日吏部言見使通判知縣等案閱若曉示半年以上無人願就作破格差注新復州軍案闕滿一季亦准此所有兼兵其餘知縣闕乞並依已立定廣南淮東西湖北知縣案闕破格差注施行從之十一月八日臣僚言近年士大夫奔競僥求之弊初改官人唯注知縣謂之實歷蓋欲其改官之後更練民事以成其才雖不拘常制不得奏差此祖宗之法紹興新重修也比年以來縱得改官求堂除差違內則欲為寺監丞貳等官外則欲為倅貳自知縣以下皆不欲也



宛然干求必欲得之寧涉歲月不願參部遂使實歷之法幾廢尚左之員  
常少而奔走於執政之門者止之復來也願降旨初改官人未經實歷  
選人未經州縣並令赴部依法注授不得輒至朝廷干求差違有違戾者  
懸懲一二以示必行至於諸路辟置屬官員數很多與夫臣僚乞添差  
不已亦緣僥求所至致耗費廩祿頗喧物論若量事減員及杜其陳乞在  
士大夫未為失職而傳節國用實非小補詔令吏部措置申尚書省率執  
進呈右正言巫伋奏比來調官行朝者纔自改秩無意作縣不肯參部干  
求堂除差遣者比比吏部亦不遵用祖宗條法依限注授欲望特降旨  
申嚴約束行下吏部依祖宗格法初改官人並與知縣差遣上曰銓曹注  
授自有祖宗成法可令吏部常切遵守 十一年八月十日吏部言本部  
通判闕見依紹興七年指揮使四年闕簽判依紹興四年指揮使三年闕  
即自通判簽判闕不多缺乞將通判使五年闕一次廢易於發遣從之  
十三日吏部侍郎魏良臣言本部所行官員整會陞改磨勘酬獎差注等  
事繳到真本付身告勅宣劄帖牒之類並追篆文官辨驗往往因致留滯  
紹興五年八月二十六日指揮並從本部長貳集驗不用篆文官見行  
專用續承八年七月二十七日勅四川換給便宜付身復追篆文官辨驗

竊詳川陝止是大使司出給付身本部長貳郎官自可參審欲乞遵依五  
年八月已降指揮所責杜絕姦弊從之 十二年六月七日吏部檢准十  
一年十二月十五日詔監當資序初除郡守其已除未到具姓名罷之內  
曾任監察御史以上職事則不拘此令勘會新知秀州劉阜民係監當資  
序曾任待制落職今來復除祕閣修撰職名係在監察御史之上詔許之  
任 二十二年七月十四日吏部郎官沈虛中言已降指揮知通縣令委  
吏部長貳銓量而知州又定日過門下省審察今在部官止遵在外指射  
之文及銓量過門經時不至乞比附四選銓量過門六十日不到許以次  
人撓注從之 十一月十八日赦應承務郎以上及小使臣不因贓罪降  
充監當並與牽復差遣或乞新資監當人願理元資序者聽 二十六年  
三月一日詔二廣容貴新柳南恩州吉陽萬安軍見闕守臣令吏部權行  
差注一次如一季無人就即破格差初任通判人 先是正月二十八日  
通判肇慶府黃公度召對上司嶺外弊事公度奏言二廣數小郡如貴州  
新州之類有至十年不除守臣者蓋緣其闕在堂要者不與與者不要上  
曰若撥歸部當無此弊續因臣僚上言故有是詔 二十八年八月十三  
日詔尚書左選見榜監當闕滿一月無京官就許右選通差滿一季者破

格差注從吏部侍郎周綰請也 以上中興會要 孝宗紹興三十二年

已即任未改元

七月十二日吏部言

該登極敷應文臣承務郎武臣承信

郎以上并內臣及致仕官並與轉官令措置已將在外并臨安府承務郎

以上未經磨勘之人令召保官一員委保無詐冒違礙其已經磨勘之人

并行在見任官隨侍子弟雖未經磨勘並免召保從之

隆興元年五月

二十七日吏部言廣南路係僻遠之地轉運司使闕差注少有京官願就

措置欲將高化昭州簽判員闕依奏得等州已降指揮本司依見行條法

破格差注如大藩節鎮注第二任知縣次初任合入知縣資序人餘州注

初任知縣次第二任監當資序人如榜諭滿一季入無京朝官願就即許

差職官人昭州簽判候今定差仍舊本司使闕從之 八月五日吏部狀

依指揮併省吏額尚書左選見管主事一名令史二名守當官二十六人

貼司指書共二十人今於權守當官內減罷四人止充貼司祇應於權貼

司內減罷五人並徒下裁減其減罷權貼司候將來有闕日却依元名次

從上撥填詔見在人且令依舊如將來遇闕更不遞補 十一月五日權

吏部侍郎余時言劄子契勘左朝奉郎崔延祖乞換給付身本部照得本

人係從政郎上循儒林郎兩資不合收使今已將本人前件不該收使兩

資元附三選條法指揮除路族排將該遇建炎軍恩循承直郎一資收使  
於真命從政郎上循文林郎却於文林郎上乞依格改轉左宣教郎告命  
其元給左奉議郎告并承直郎劉子却從本部案後拘收毀抹所有磨勘  
轉承議郎并未曾換給朝奉郎兩官令尚書左選於宣教郎上依條施行  
從之 二年六月五日廣南東路提舉常平茶事石敦義言英州知州見  
閏正官之文乞將上件案閣下本路轉運司許破格差注通判資序人一  
次委轉運使躬親銓量保明申省出給差教仍令就權吏部勘當欲令本  
路轉運司照應本部破格條法差注第二任通判次初任通判如同日却  
有本等人願就先差本等人仍許先次就權施行候本司差人一次訖日後却  
從本部使開從之 乾道元年二月六日權尚書吏部侍郎葉顥言京朝官  
合使案閣除知州軍通判知縣依指揮係四年以下闕其餘簽判縣丞監  
當教授安撫司幹辦公事並使三年以下闕內檢法官到任使闕應緣京  
朝官在部負多年限太窄乞依知通已得指揮使四年以下闕從之 二  
年六月二十七日吏部侍郎陳之茂等集議承前改官人理知縣資序兩  
任內一任實歷知縣方許開陞通判自後循襲將堂除差遣理此實歷遂  
致士大夫往往不慮民事越次開陞欲乞將初改官所歷兩任內須實歷

知縣一任外一任如係內外堂除及到部或舉辟注授並與揆理為任闕  
陞官覲厥廟非奏補承務郎以上闕陞知縣及宗室擴授理親民人準此  
詔吏部者詳之而吏部言切詳既不得越次闕陞其初任知縣人亦難以  
注授通判從自今合理第二任知縣資序須自理知縣後當實歷知縣一  
任方許注授通判及別差遣如不曾實歷知縣一任止注知縣雖作縣未  
滿二考或尋醫衛養並不理任理第三任以上知縣資序人準此從之其  
後臣僚復言乾道二年集議條旨非不嚴盡近年自承務郎合闕陞知縣  
資序人經干通判外官差遣履歷沒久即除知軍州如此則初理知縣資  
序必欲實歷知縣止行於廢劫改官人而不及闕陞知縣資序之人伏望  
下吏部自今以往初授承務郎闕陞知縣資序必備申朝廷并須實歷  
知縣一任詔復下其言吏部因備列見行條令以聞詔常切遵守 六年  
五月四日吏部狀尚書左選見管主事一名令吏二人書令史九人守當  
官一十一人正貼司一十六人內二人係元額權手分私名二人楷書三  
人法司一名今欲將正額書令史守當官內各行減罷一人正貼司內減  
罷四人及法司一名其法司令書令史兼管詔依擬定各從下裁減將來  
見開日依名次撥填其減下人願依條比換名目者聽 八年五月二十

八日臣條言已降指揮臨安知通等已復置簽判推官今堂除使闕一次  
日後吏部差注臣以謂凡在吏部待選者無非派寒寡援之人幸而有此  
三四見闕又堂除一次則有寅緣之人常得見祿而派寒在部之人永無  
所望非所謂大公至正之道詔臨安府簽判推判官闕並令吏部依格法  
差注 八月二十九日權吏部尚書張津言宗室使臣因應舉登科改授  
承務郎以上官者注縣丞或監當理親民資序一任回有陞陟舉主二負  
注知縣切詳上條意謂宗室任使臣未曾履歷民事於試換後須注縣丞  
監當一任回有舉主方注知縣切詳緣其間使臣任內有累曾實歷親民  
釐務及有舉主二負試換登科若拘上條一槩差注即是反因登科試換  
再入監當宜陞而降輕重不均今欲措置登科宗室於使臣任內不曾實  
歷親民差違自依條制如先任使臣自監當關陞親民資序後曾實歷親  
民釐務及有舉主二負許通注知縣縣丞詔從之 九年三月二十五日  
門下省言勘會四川列行在初改官人乞四川定差關吏部供到四川不  
該定差案關方許注授四川因事到部人今來四川定差案關照得曾堂  
堂除過一十員目今除成都府郫縣外並無定差列入詔令吏部將眉州  
青神縣等闕許注授四川初改官人 以上乾道會要

宋銓選

審官西院典職官全同存目不錄

四

尚書右選

神宗正史職官志審官西院



熙寧三年五月二十八日置詔曰國家以西樞內輔贊翊水兵任為重矣而狃於舊制自右職陞朝以上必兼擇而除授之是以三公府而親有司之為非所以遇朕股肱之意也今使臣增負至眾非張官置吏以總其事則不足以一文武之法而礪中外之才宜以審官院為東院別置審官西院置知院二領門祇候以上至諸司使磨勘及常程差遣事俾銓叙有常經點陟有常守官修而紀律振任專而攷察精庶熙治綱以副朕志乃以天章閣待制齊恢為知院兵部郎中韓鎮同知以舊太常禮院為治所始上論大使臣磨勘及常格注授欲歸有司樞密使文彥博等不欲曰因注差遣累與使臣相見尚猶患不知其人若付之審官則愈不可知緩急難為選擇矣上曰欲知之不在數見使臣常程差遣何足與王安石曰省細務乃可論大體韓鎮曰此事於樞密吏人不便彥博曰果合如此亦不詢使便與否安石曰審院亦止是五代始置曾公亮曰欲分宰相權滿上曰前代亂豈緣不分樞密院乎安石曰綱紀修視聽不蔽則人主權自然歸一不然則樞密亦能專權如史洪範之徒是也五代用武故政出樞密宰相備位而已非治法也於是降詔卒置之仍省樞密院六十有二事歸之官制行歸吏部尚書右選神宗元豐二年八月二十三日審官西院

言磨勛供備庫副使劉希與歷任兩以邊功遣官在格當異常調詔希與  
與轉七資仍詔自今身經戰開酬獎遣官方理為戰功著為令 三年正  
月五日御史舒亶言銓院事無正條止憑吏人檢到例因緣或致姦弊乞  
委官以例刑定為例策詔銓院合施行事並編錄入敕令格式 五年五  
月改審官西院為吏部尚書右選 哲宗元祐二年五月四日詔大使臣  
如曾任將副不因罪犯替罷見今合入親民差遣年五十七以下並許依  
條選具脚色仍於引驗狀內別立項開排申樞密院 三年四月十三日  
詔吏部授兼管買馬官並赴樞密院引驗 徽宗崇寧元年五月十四日  
吏部言勘會小使臣年七十以上在選長官體量堪釐務注監當止一任  
便令致仕歷任有軍功捕盜曾經轉官者加一任唯大使臣年七十以上  
應入監當人至有年八十以上尚赴部承授差遣顯見難任職事別無止  
法本部相度乞將大使臣今後依小使臣法施行如允所請見在部授差  
遣之人亦乞依此施行從之 二年二月二十九日吏部侍郎劉拯等劄  
子臣等切詳舊法主兵使臣內地以三十箇月陝西河東城寨以三年滿  
替所以重邊任也監當以三年水土惡弱處以二年滿替所以優恤瘴癘  
之地也元祐七年因右侍禁陳師式來朝廷欲變亂法度之際微倖逮理

資任奏乞但以三年為任者並以二年或三十箇月為任於是差違不以親民監當事務不以緩急水土不以善惡但理正親民資序者一例以三十箇月為任甚無謂也臣等欲乞術改不行詔依舊法 大觀二年十月三十日詔吏部逐月合引驗將副依格選識字人子細審擇 四年正月二十七日臣僚上言竊謂官吏能否未易遽知故薦舉之法必俟成考功緒可稽然後公舉其能以備任使豈有未經正任而可預薦論者臣伏見吏部右選大小使臣未曾經任尚充吏職如手分楷書之類因緣干請例薦陞陟京師局務多是從官提領而省府寺監咸有歲薦常負承例奏舉一負累至十數銓部密院凡有差使校定等差每以舉主多寡為優劣他日出職無與爭其優者臣愚欲乞使臣充吏職人更不許薦陞陟其傷充吏職日所得舉狀仍不得收使從之 政和四年八月二十六日詔應自今雜流入仕因功賞推恩謂吏人公人作匠技術之類至武功大夫止不還橫行遙郡雖奉特旨許執奏 六年十一月二日詔武臣自今應雜流入仕還至橫行者其恩數請給奏薦等並依武功大夫法著為令 七年二月十二日吏部尚書張克公奏伏覩修立列吏部四選通用令諸路訟邊不得注授宗室女夫竊詳立法之意蓋為不欲宗女遠涉煙瘴之地而

其夫或怯懦有誤任使遂行禁止然其間實有武畧練習兵機曾立戰功及累經邊任之人因娶宗女遂屈之內地誠為可惜欲乞宗室女夫曾立戰功及曾沿邊兩任無遺闕除二廣四川外應三路沿邊並許注授使實有材武之人得以自效詔依所乞仍於元條內添入有戰功非十一月六日詔吏部大小使臣負額盈溢差注不行訪聞多緣吏職混淆未經區別勘會吏人叨冒一命演緣請託規求罷去徑歸銓選注授差遣冗猥之由實自此出自今內外諸司閭位應緣人吏補到校尉承信郎者依格支破請給不罷吏職不得參部都官吏部未得注籍候轉至大夫日赴部參選呈試依法若武功即以下應因裁放罷職不得奏辟止許差充他處吏職祇應如有該載未盡事件尚書省取索勘當條具將上取旨申明行下今日以前特免追改或日後續降處分並許執奏不行如有違犯並以違御筆論委御史臺彈劾御史臺失彈三省互糾以聞務在百執恪意遵守著為永法無或銜革宣和二年七月七日臣僚上言比者詔令數下有所登正率由舊章至訓敕在位銜改元豐法制以大不恭論甚憾德也然有司奉成法雖知其或戾不敢輒請臣請粗陳一二謹按吏部右選知州闕元豐格率注知州人雖有曾歷或實立兩任與一任之文要之知州人

見知州闕即得射也至資序之深淺功過之多寡下狀雖衆差注自有本法崇寧改格唯四十五處遠小依舊又多朝廷取闕為謫降之地其餘並注曾實歷知州資序人夫必待曾實歷人設偶無之則榜闕雖久初任合入知州者終不得指射又其尤遠小煙瘴處元豐格內取通判知縣人者方許注知州人既非本等人願就而以次人亦須俟經三集兩集乃注滯闕可知也通判闕元豐格雖有注曾任一任知州及第二任通判之文然間曾歷一任知州及鈐轄大藩通判者青州一處滿但注知州人者成都府一處滿注知州兩經集注第二任通判者十處滿其他則本等人見闕皆可射也崇寧改格除青州略同外但注知州人者二十四處注知州三經集方許注第二任通判人者一百二十三處注知州及第二任通判人者兩經集方許注初任人者四十三處注本等人者纔三十二處滿又皆遠小煙瘴非本等人所願就也夫榜闕而本等人睥睨不得射縱其得射又三兩月而後可若權住刷闕則又展月矣至有百餘日而不注者臣懼夫賢愚同滯也二者之利害較然方今減罷初局裁省冗員鑄捐宮觀差遣吏之集于銓部者不可勝數如此等弊政為急務兼契勘諸路知縣闕因崇寧格差注不行政和七年十月敕許不以資序通行差注文雖小異

實元豐法也獨知州通判格尚未仍舊安有事同而法異乎詔依元豐法  
六年閏三月二十二日臣僚上言竊謂武臣橫階高爵也蓋非親勲弗  
居觀察使而上則祿秩思數又非他官可擬今胥吏雜流入仕者類多得  
之雖法有不許轉行之文而寅緣請寄希求恩旨巧易出身則非常法所  
得限也臣願申教條禁凡以胥吏雜流入仕者嚴其止法仍不許妄有干  
請謂如實非蔭補之類不得求假蔭補之名脫有成勞宜在褒賞願如賜  
金帛而已詔令核會見行條法申嚴行下常切遵守 十二月二十九日  
吏部奏勘會宗室先承御筆指揮依熙寧法常許占射不拘遠近差注仍  
並替成資令承御筆指揮內外官並三年為任今來所擬宗室替闕未審  
合依專法替成資唯復亦合依今降御筆指揮替三年滿闕尚書省勘會  
合替成資詔申明行下 欽宗靖康元年七月二十四日詔今後河北河  
東陝西路州縣兵官每處止許差宗室一員見任人候任滿日罷 十一  
月十一日詔吏部將到部人內應合入路分都監將副并係將副已上替  
罷滿闕及武舉出身有戰功曾歷過任之人並行籍記不許差借短使專  
候朝廷選任 以上續國朝會要 高宗建炎元年七月十日詔吏部大  
小使臣不許移名次歸入路候邊事寧日依舊法 先是在部使臣多規

差使乞歸八路尚書路允迪以為言故有是詔 二年三月八日詔今  
後初除城寨及主兵官巡檢武臣縣尉非邊功材武不許差注 十一月  
二十二日赦應使臣未得差遣及短使者並仰於所屬授狀依例施行應  
小使臣參部違限合罰重難綱運限一月許令參部免罰應命官因出戰  
及捕盜中傷者仰經所在自陳保奏大使臣以上議加優卹小使臣差獲  
廟令一次 紹興二年五月二十九日詔大小使臣校尉緣軍功補授而  
於軍中解罷者到部日驗發遣詣實送殿前司依第三等法呈試事藝馬  
射弓六斛力直背射三箭各把以裏右為合格如合格本司給據許參選  
若未經呈試或呈試未中各不在參選及堂除辟差之限兩試不中及不  
赴試不理軍功材武滿五年許參部諸下班祇應緣軍功補授依大小使  
臣參選法著為令自靖康元年軍興以來應緣軍功補授之人如已到部  
以前有差遣雖已到任得替候再到部日亦依今來指揮施行 先是臣  
僚言軍興以來竄名兵籍之中濫被恩命而實無武藝往往纔得補正官  
資遂便宛轉干求堂除舉辟欲乞應授差遣之人並先經殿前司呈試馬  
射中選出給公據方得放行故有是詔 十月十八日吏部尚書沈與求  
言檢准建炎三年指揮今後應堂除并已後堂除並權替二年為任目今

在部大使臣貪多諸路申到闕次稀少已將應大使臣已注授未赴任人并今後注授差遣比敝堂除人權替二年成資闕從之三年二月二十八日樞密院言近准指揮堂除闕並撥歸吏部契勘下項闕未有立定差法乞今御厨翰林司儀鸞司牛羊司依元豐令先注親民次監當人權幹辦金吾街仗司先注武功至武翼大夫親民資序人次注大使臣經兩任親民人行在諸司監門欲依立定行在倉場庫務監門已得指揮先注親民次監當人從之五月七日吏部尚書洪擬言本部大使臣守城隨軍被賞轉官減年依元豐格並作材武人注授差遣近大使臣到部有隨軍被賞補官者亦乞指射材武案闕緣舊法未有此條欲乞應隨軍被賞補官者並與比敘隨軍被賞減年磨勘材武條格從之仍照會紹興二年十一月一日已降指揮先是紹興二年十一月一日吏部尚書沈與求言近武經郎王壽元隨軍差使充掌管降賜庫物帛乞指射宣州兵馬都監切詳法意隨軍被賞謂出戍經戰之人若使收支官物抄轉簿籍者一例將作材武委是太優欲乞告示王壽指射非材武案闕仍今後似此等人在此施行從之六月二十三日吏部言近詔淮南西路見闕吏部未差人去處特令胡舜陟奏差一次緣大使臣在部者衆若本路奏差恐注擬



不行乞將淮西路見闕依舊出闕注授若未擬差人去處却有本路奏到  
人即乞元差奏差人廣不相妨今開具到駐泊兵馬都監等親民闕二十  
一處真州拆船場監當闕八處除犯贓人不注外召官指射其到任任滿  
酬賞並依舊法從之 十月十九日詔吏部尚書右選添置郎官一員以  
臣僚言文案積壓故也 十二月十二日吏部言武經郎閤門宣贊舍人  
宋源乞改換武翼郎兼閤門宣贊舍人告勛會本官所繳告命係靖康元  
年三月二十日下即無年號係偽楚所給緣該遇今上皇帝覃恩已改轉  
武經郎其乞改換合取朝廷指揮詔別給付身其前項告身令吏部拘收  
毀抹 四年正月十八日吏部尚書鄭滋言建炎四年五月二十日指揮  
大使日窠闕到任使闕差人及近降指揮每遇季月首許將應赴任人闕  
剋刷使闕尚慮無闕差注近頒紹興新法載諸闕並去替一年使臣負多  
闕少深慮積壓乞權依前項指揮候闕多日即依新書條限從之 二月  
十三日吏部尚書胡松言大使臣用舉主自來遇有諸處奏狀到部係依  
專法置籍抄轉昨緣二年十二月遺火去失不存自今年正月一日以前  
本部已用照牒作舉主收使判成了當緣降到紹興新法不許用照牒本  
部除已遵依外乞許因火去失奏狀人權用照牒施行從之 五年三月

七日詔縣鎮酒稅窠闕見差大使臣去處除四年正月指揮外改差小使臣其小使臣見差去處却及三萬貫以上許差大使臣先是侍郎鄭澣言縣鎮州稅諸路會到往往課額多不及三萬貫例皆侍右使闕差人其尚左止有合使闕三十餘處而大使臣見在部者凡五十餘員難以發遣故有是詔 四月二十三日吏部尚書晏敦復言尚右舉行功賞其常程文字每致積壓乞依尚左已得指揮將奏薦司改為賞功司兼行奏薦文字從之 五月九日詔兩浙江南福建四川二廣淮南等路創置闕係合差大使臣者榜闕非次跟滿作經使闕立限一月召大使臣指射如無人願就即送侍郎右選通差小使臣從吏部請也 八月十六日吏部尚書晏敦復言尚書右選差注係選窠闕依元豐舊法合通較官員出身歷任功過負犯以優者定差緣渡江之後為官員去失印紙遂權宜申請只用前一任定差昨元豐舊法已脩為紹興令其勅令所又將許只用一任指揮修為永法顯見與通行較量條法相妨乞刪去從之 二十一年閏四月十一日詔成都府石泉軍比倣吏部親民差注正使以上親民資序曾經臺除知州軍以上差遣有舉主無贓私罪應材武人先是成都府轉運司言四川守臣依舊堂除外其通判知軍監悉付漕司緣石泉軍別無差注

格去故有是詔 二十九年閏六月九日詔今後武臣不得以綱賞轉至武翼大夫以上 以上中興會要 孝宗隆興元年八月五日吏部言依指揮并省吏額尚書右選見管主事至守當官並乞存留正貼司權守當官正額三人并遞權三人共六人今乞裁減一名充正貼司法司一名承信郎趙疎係有官人別具申外正貼司一十三人見闕二人今乞減見闕二人更不試補私名權貼司一十人并遞權五人今欲減罷五人詔見在人且今依舊如將來遇闕更不遞補 十一月十三日吏部言永州防禦使充鄂州駐劄御前諸軍都統制趙樽申鄂州駐劄御前諸軍統制統領將佐大小使臣校尉下班祇應印紙功過歷合批考第轉官因依乞候將來班師回軍日一併批書施行從之 二年二月五日詔吏部如遇有給降祠部等專差大使臣方許差撥仍與依小使臣格法推賞 十八日臣僚言大使臣正副使注授差遣大禮奏補並合用年甲參照緣諸處出給付身並無年申鄉貫三代竊慮其間有減落歲數改易鄉貫三代冒行蔭補承襲詭名無以稽考今後如遇出給付身除功賞及命詞給告不及聲說係已曾該載外其餘出身初補及應于磨勘告內並行寫上年甲鄉貫三代免致日後減落改易承襲詭名之弊從之 九月六日吏部言尚

書右選契勘修武郎以上親民都監巡檢并監當場務營務準備差使指使等窠闕乞依侍郎右選小使臣例並通作去替四年使闕差注一次從之 乾道二年七月二十六日吏部狀乞將尚書左選侍郎左選立定負額見差歸正文臣窠闕內分撥一半差注帥府欲撥三員節鎮并軍州事各二員候今降指揮下部日與尚右通行使闕差注從之 三年九月十五日詔訪聞赴部注授或求望差除在旅日久之人尚多仰三省樞密院疾速照應依格差除仍令吏部措置注擬毋得留滯繼而吏部措置欲將準備差使不釐務窠闕依獄廟窠闕應赴使闕召見在部應脩武郎以上官指射以先親民次監當恩例名次高下差注一次并見榜諸州軍橫行獄廟二十八闕即目別無橫行以上官在部委是無人願就乞將上件見榜橫行獄廟窠闕借差應修武郎以上官以先親民次監當恩例名次高下差注一次如同日却有本等橫行人指射即先差本等人日後並依舊使闕差注施行故有是命 五年正月七日詔宗室大小使臣依舊每州添差親民兵馬監押一員釐務日後更不差注外官 詳見侍右門六年二月詔行在樞密院言今後武臣橫行如願赴部注授之人照應大使臣參人 五日樞密院言今後武臣橫行如願赴部注授之人照應大使臣參

部格法差注施行從之 四月十日吏部狀准乾道六年三月十九日勅  
將應離軍注授添差指使巡檢下使臣獄廟之人並令具鈔候畫聞下部  
日吏部出給差帖當官給付本部勘會前項指揮照得止為小使臣校尉  
緣本部尚書右選大使臣離軍注授添差准備差使巡檢下使臣聽候使  
喚不釐務并到部注授諸軍及監司帥司添置准備差使并注授獄廟之  
人即未有指揮致載明文竊慮亦合一體伏乞朝廷指揮詔依侍即右選  
已得指揮施行 五月四日吏部言依指揮併省吏額尚書右選額管主  
事一名令史二人書令史九人守當官一十三人正貼司一十一人內二  
人元額權手分法司一名私名貼司一十人今欲減罷書令史一名守當  
官二人正貼司三人其法司職事於書令史內差人兼管詔依擬定各從  
下裁減將來見闕日依名次撥填其減下人願依條比換名目者聽 七  
年五月六日權吏部侍郎王之奇言殿前馬步軍司揀汰大使臣添差兩  
浙東西福建路州軍差遣見闕負數並足今又揀汰殿前步軍司大使臣  
一百餘員委無見闕若增員注授又慮州軍闕之無以供給若令待闕則  
闕食狼狽有失朝廷優恤之意措置欲令先次赴部注授待闕差遣仍下  
戶部別出曆給半俸居所隸軍免執役闕到之任從之 八年六月一日

吏部言見待次修武郎以上官百餘員多闕少見使橫行獄廟闕罕有  
本等人指射欲乞將見榜橫行獄廟負闕借差一次如同司有本等橫行  
人指射即先差本等人從之 十一月十五日吏部尚書張津言勘會侍  
郎右選昨申明諸州軍及監司下差置准備差使不釐務及獄廟差遣內  
遠地二廣荆湖南北路京西路見榜數闕多緣在部人憚於地遠不肯指  
射前去而已在遠地任滿寄居人復無力前來赴部注授虛榜闕次已降  
指揮令經州軍繳連錄白出身以來文字委官對讀真本并具立功次數  
資序高下召保官一員委保正身不拘州軍陳乞指揮五闕本州保明詣  
實申部從上擬差如同日有在部人指射先差在部人其指揮內即無該  
載大使臣明文今來不住據遠地州軍依已降指揮申到陳乞本部即未  
敢便行比類小使臣已降指揮施行詔依侍郎右選已得指揮施行 詳見  
侍右門九年四月二十三日詔今後雖軍橫行使令樞密院審察與差將  
副若年六十以上精力未衰有戰功依已降指揮與差官觀餘差獄廟  
以上乾道會要

宋會要

選舉三

侍郎左選

太祖建隆三年八月詔吏部流內銓選人並試判三道只於正律及疏  
內出判題定為上中下三等其起降準元敕指揮仍限敕出後一年依此  
施行凡外出才不在此限一十月詔銓司與門下省宜考定舊格及前後  
制敕要當條約堪久行者餘皆再去有司言參定猶資格一卷長定格一  
卷并人格及刑去外見行敕條共二十二道編為一卷詔選人三十以下  
依舊不得入銓致錄並依仍付所言 乾道六年八月詔曰三載考績有  
虞之典也四時職選臣唐之制也朕恭酌古道條制銓衡責無滯於選人  
伴隨時而赴調如問近日勤致淹留自今南曹銓司門下省三處磨勘注  
擬并照檢 謝辭等共給限一月日並頒行違了事 南曹應有納解後  
狀選人等月初下納文書及批判諸司引驗磨勘直至判成送銓都給限  
八日銓司應有南曹判成選人自初到銓引納家狀告示逐旋磨勘便令

試判并覆闕注擬寫省曆及進黃并引對謝辭等都合限一十五日門下  
省應有銓司諸色注官人等照檢吉身文字及移牒諸司勘會事即追黃  
甲寫奏狀并引准黃甲等都合限七日畢 所有約定過堂更不別給日  
限其已上諸司更有合行催促事件各委本司施行選人中若吏別論保  
績或負過尤須至諸處勘尋者即仰行遣具狀以聞或是無關注擬及次  
序不相當者並不在其限 開寶六年七月詔翰林學士盧多遜知制誥  
扈蒙張澹等重詳定吏部流內銓循資格從澹之請也 太宗太平興國  
二年十二月詔曰流內銓常選人所試判自來不較優否並判下者自今  
選人所試判三道定為四等二道全通一道稍欠而文辭俱優者為上等  
一道全通二道稍欠或二道通一道全不通文辭而稍精者為中等一道  
通及稍欠二道全不通或三道全欠而文辭無取者為中下等三道全不  
通而文辭純者者為下等判上者即與超一資注擬如入職事官即不超  
資與如一階判中者即依資注擬判中下者注同類官黃衣人即除一資  
如初入令錄內降一資注擬至下州下縣不降判下及全不對者落下殿  
一年候殿滿日赴集凡兩經試判皆中下者擬同類官 淳化元年十一  
月詔吏部南曹選人自今赴調所擬牒並須於京朝官內求一人為識官



書姓名用府縣諸寺監印進者有司弗受 四年二月以磨勘幕職州縣  
官院為考課院 五月以考課院歸流內銓俾翰林學士承旨蘇易簡知  
制誥王旦同領之 先是州縣課績並於此院考較功過與銓司職分無  
異會併歸銓司從判銓蘇易簡之請省吏部員而併司局議者咸以為當  
真宗咸平元年三月四日詔銓司所擬官告身勿書其過犯 二年十  
二月詔選判司簿尉二員充吏部流內銓南曹主事 景德元年八月詔  
流內銓凡引選人齋所試書判以備覩覽 真宗因言選人書判有訛誤  
者詔準曰其中亦有書字不成者請目今令銓司引對日齋所試以備奏  
御從之 二年二月帝聞前深州饒陽主簿張上達判詞荒謬書字不成令  
宰相問狀判銓呂祐之言先準杖銓司選人試判二道定為四等昨考較  
張上達判三道第一道稍次第三道不通第二道雖判詞不應題目然論  
刑名即是故書稍次伏以放選以來赴調者擁併難於獨力嘗來問面陳  
亦曾奏請矣今蒙制問甘代其罪帝特擇之 二年九月詔流內銓依審  
官院例前一日具選人應任進內次日引對 舊制每選人赴調即檢勘  
應任功過并出身以來事迹至便殿引對日進呈帝親閱而執權之至是  
特令預先進入且欲詳觀其能否 二十八日詔選司常選人有疾者已

經引對即依合入資序注擬未引對者留合入員闕俟痊損施行 三年  
三月詔流內銓自今奉職官判上者超一次內判中合備資者其恩任未  
并所試引見改裁大中祥符元年十詔選人數符并破官物書寫給付舊  
例納官錢並特免 二年正月命戶部尚書溫仲舒右丞向敏中同流  
內銓注擬選人 舊制引對官吏三班差遣不過十人奏課不過三人銓  
司不過十人進以官吏稍衆三班增引奏課至五人銓司至十五人至是  
三班所引使臣已少銓司頗有稽滯故令仲舒等同領其事以督之時陳  
亮叟奏往有錄銓之制帝曰令員多闕少四時許選猶慮壅塞錄銓無乃  
不可乎亮叟久請復舊者員缺宰臣王旦曰今選行缺者二十餘人縱增  
二三百員無益也 天禧四年正月十七日命翰林學士武度提舉學士  
王琬右諫議大夫王隨與吏部流內銓試準敕無過犯幕職合錄 仁宗  
天聖元年九月流內銓言年太平興國二年十二月敕并景德三年三月  
諸擇者詳上件條貫所定刑名通典稍次及不通三等體式未明致考較  
之時難於區別今欲乞以每道刑名全合者為通刑名及七分者為粗不  
及三分者為不仍於逐卷頭定詞理書札優稍緩次依次既終為五等以  
二通一粗而詞理書札俱優者為上等一通二粗或二通一不而詞理書

創並稍優者為中等三粗及二粗一不二一粗而詞理書劉俱次或低  
次此等者為中下等三不而詞理書劉俱此等者為下等其全無詞理者  
縱列名通書劉俱亦只入中下等其上件四等起資加階循資降資每年  
並依舊例外更取判中下門二不二一粗及詞理書劉俱低次此等者並注  
入缺官要所冀情申班別以合舊規從之 十月門下省言吏部銓所注  
選人欲依政事過堂碑定詔今後磨勘選人愿任引對前一日於中書門  
下審驗先經改更合開報門下省事依舊例施行 七年三月詔流內銓  
每季文廚料公用錢并三銓過院紙筆錢共四十三千並折支茶資費現  
錢一十九千供用自今三司於見折支茶更特與添支九十五斤充在  
銓公用言 十二月流內銓言銓司自來有逐季請到公用折支茶二百  
六十餘斤與錢資支使外別無公用報設物已指牌三司支借從之 八  
年七月詔銓司言與南曹門下省官告院甲庫等詳定欲自今銓司每有  
移注改注對換對移就移就注選人候移改定後限一日開帖過院過院  
限三日修寫黃甲送南曹勿勘限一日却送銓當日課送門下省本省限  
五日印書進入而候降出中書即依元限一日却付門下省限次日却付  
部者承教入限次日送入甲庫限兩日如及十人已下甲庫出給簽符及

禮南曹格式司官告院限七日南曹出給曆子限七日官告院出給官告  
其官告簽符曆子如是人數稍多依限降寫不及即逐處簽具因依申銓  
相度文字多少量限日限出給所定日限並除休務限外計日從之 甲  
庫舊制流內銓注官後帖過院逐甲牒送門下省押定後却送銓司銓帖  
送南曹司司勘印書納送銓牒門下省進納入內廷內中降到中書日却  
付門下省給付都省承教人送入甲庫出給簽符及關送南曹格式司官  
告院其南曹出給曆子官告院出給官告以其元限日數頗多稽滯選人  
令並約之 九年十一月九日吏部銓請自今應丁憂服闋及以願勞績  
授近便者如入達不計有無職田從便注擬詔除有勞績者不行餘悉從  
之 十年五月十九日吏部銓上言福建江浙兩省等處官祿選人合入  
及情願乞注者除本貫不注外餘請不限地里許注從之 明道二年十  
一月二十八日詔令銓司令後分見選人及奉舉人應任到子仰簡經修  
寫不得漏過凡仍只別印標貼黃於到子前粘連進呈 景祐三年六  
月七日流內銓選人資考合注西川遠官者或稱親屬在彼乞免遠官權  
移近地候親屬得替却注合入遠官又父母未及七十使稱年老無人侍  
養乞折資注近官法亦聽許自合應合入川遠處選人與注近官者親屬

得替使行注乞折資注近官者須是父母實年七十已上方得從之十月十三日龍圖直學士李絳言幕贛州錄官前任有日餘奏奉該磨勘引見未改官者今任並開說某人奏舉已經磨勘說別作一貼黃取旨從之慶曆四年正月詔流內銓如批降指揮後有合奏請事令主判官別取旨從判銓王質之請也事見三班院二月命大章閣侍講曹公亮刑定流內銓餘貫英宗治平元年二月權判銓錢公輔奏請選人祖父母年老得家便官者免覈注從之三年五月吏部流內銓進銓曹格教十四奏詔行之以上國朝會要侍郎左選流內銓

神宗正史職官志吏部流內銓  
國初張昭為尚書猶掌京官七品以下選及昭致仕以他官領之始但掌幕職官以下選事知制誥蘇頌熙寧二年神宗常問比改官者多對曰真宗以前引見選人或與改官或止簡資上曰若此則有幸不幸者今入仕之路多科場之取士眾既多取之而扼其進用使人窮困亦不為有理須

別議其法舊制五日一引當改官選人對便殿不過二人其後待次者寢  
多至有滯留逾二年者上聞其坐困四年乃詔每甲引四人以救其弊士  
人便之元豐三年將改官制先詔流內銓稱尚書吏部官制行歸吏部侍  
郎左丞神宗熙寧二年三月一日命翰林學士呂公著和制結蘇頌與  
判流內銓官試驗選人身言書判初議差公著等上問試判故事因曰此  
何足以見人材輔臣或對先朝有典京官者或以為京官可惜上以為然  
三年置主簿二月七日以著及作佐郎楊元為主簿編條例等任使從吏  
部流內銓所請也時判銓陳襄請置屬官又取銓守所用例去其不可行  
者編為策五年閏七月詔吏部南曹併入流內銓初吏部別有判官  
二無判南曹掌考驗選人殿最成狀而送銓及開試勾黃給曆之事於是  
判銓許將等請省南曹入流內銓故有是詔元豐元年六月二十九日  
詔滄州清池莫州任丘霸州文安大城秦州成紀隴城清水延州膚施延  
長延川慶州豐州合水金州清湘滎陽鄆州邵陽武岡澧州石門慈利十  
八縣其舊係監當開送流內銓差注九月二十八日詔京朝官選人并  
使臣換文資所試上等第一且賜進士出身中等稍優與堂除差遣中等  
與不依名次注官下等與注官內未出官與出官已出官與元短人無短

使者升半年名次 二年八月二十四日新賜進士第二人及第五吳之  
特拜注官吳之年十九歲銓故也 十二月二十四日御史舒亶言流內  
銓選人舊無籍記其間妄冒偽濫之弊官司莫得而知乞置簿以備檢人  
從之 三年正月五月御史舒亶言銓院事無正條止憑吏人檢到例因  
緣致致妄與乞委官以例刪定為例采結銓院合施行事並編入敕令格  
式重又言天下選人名在吏部者且萬人索其家牒以式注籍 八月十  
四日詔吏部流內選自今稱尚書省吏部 五年二月一日詔吏部擬注  
官過門下有並侍中侍郎引驗訖奏候降送尚書省若老疾不任事及於  
法有違者送送改注乃於處鈔內貼事同進入 七月十四日詔諸改官  
於官名應避者擬以資官資品恩數並依合改官法 六年閏六月七日  
尚書吏部言二廣承務郎以上任煙瘴處除知州俸朝延差外餘過滿  
一年乞放罷從之 八年二月二十三日門下有言中書錄黃前淮南節  
度推官呂公憲等狀各磨勘當改官乞下吏部先引驗吏部已引驗四人  
奏已降出正月庚子當引見及未引驗八人見磨勘十九人詔轉官人依  
舊例除官餘候舉主有事故並不殿引見候御殿日依舊 哲宗元祐元  
年四月四日三省言吏部曹經堂除選人除曹歷者將推判官基球等監

長貳郎官監司並歸吏部差注內不因罪犯替罷者令入遠與近合入近  
 典先次指射差遠其朝廷特差者不在此限從之 同日詔應合試選人  
 年五十以上歷兩任六十以上一任無贓罪及私罪情重并令任非停替  
 者並與免試 十八日詔八路選人員缺原有專除并奏差及一時指揮  
 并水土惡弱及自來差攝官處並依舊外餘歸吏部又詔八路選人員缺  
 歸吏部者接送顧錢並依詳定設法所奏 二年二月十六日詔吏部選  
 人改官每歲以百人為額從侍郎孫覺請也 三年三月十八日詔奏舉  
 改官職官縣令人過犯輕重或刑名特旨不同令吏部斟酌事理着詳比  
 時取旨 五年十一月十二日三省言元祐五年秋季李入流一百二十八  
 人四年秋季李入流一百三十人五年比四年多二十五人今以前次科場大  
 禮奏薦轉員換授人數以三年分為十一季的算內一季約一百五十四  
 人有時并元祐五年秋季李入流百五十八人合為二百八十二人復以  
 身亡故任刺配放歸田里勒停丁憂停醫侍養假滿落籍分司及叙用服  
 闋并醫等參部人比折外其事故多二十一人 六年五月五日又言二  
 年三省樞密院言元祐六年春季李入流九十六人五年春季李入流一百  
 四十七人六年元祐五年少五十一人又將前次科場大禮奏薦轉員換授



人數以三年分為十二等以一季約一百五十四人并元祐六年春季入  
流共二百五十人除身已致仕勒停丁憂尋醫待奏假滿後舊及叙用  
服闋尋醫年滿比折外共入流多十七人 紹聖元年閏四月七日右司  
諫朱勛言元祐變法選人改官歲限百人而有司奏請作三甲引見以三  
人為一甲積累至今待次者已慮二百八十餘人率二年三季始得引見  
請以元豐全詳酌增損詔引見磨勘改官人權依元豐全五日引一甲每  
甲引三人每年不得一百四十人候待次不及百人取旨 七月二十  
一日吏部言元祐三年進士同待奏名經明行誼人賜同五經出身王郛  
臣等候郊禮畢特與充試注經使缺賜文學部闕之等侯大禮畢與充否  
保一員依條差注今來科場已依元祐三年指揮詔並依待奏名例 二年  
年正月二十五日中書省言制敕庫修例到得舊若陰補進納及應舉出  
身做官京府助教并得替合注官者每春秋試議三道或刑統大義五道  
或斷案二道斷案七分以上時議刑統經義辭理俱優馬優等斷案六分  
以上時兩道一粗刑統經義各四通為中等斷案三分以上時議兩通刑  
統經義各三通為下等即應任有舉主五人攝官初到選散官攝官歸司  
年滿新及第者並充試每百人就試取優等一人試卷中納中書省取旨

推恩二等二人第一人循一資餘人占射差遣承務郎以上減一年磨勘  
中等五人並不依名次注官承務郎以上與近地陞一年名次餘並下等  
注合入官從之 三年六月四日考功員外郎何友直言在部已得次人  
請每中權添引三兩人拘半年可以引盡自今下到文字人別置部籍候  
引盡舊人却用先行條教每一甲止引三人仍於引驗日截會詔每甲權  
添二人引見候引盡見在人教日罷 七月四日吏部言往教引見改官  
人權依元豐令五日引一甲每甲引三人不得過一百四十人今惟教每  
甲權添二人本部看詳既依今降指揮五日引見五人其至歲終難以限  
定人數所有前降指揮每年不得過一百四十人合行衝罷從之 四年  
四月二十三日御史蔡絙言吏部差法新進士諸科及第官用元豐二年  
指揮司法闕先注新科明法次注明法人切詳先朝既廢罷明經學究科  
特設新科明法以變革舊業故優為恩例使取趣新習賜第之後率先進  
士並注司法蓋變法之初所以示勸今經二十年舊人為新科者十滴八  
凡恩例之優劣損欲乞司法與其餘判司闕裏司從上差從之 十二月  
二十三日成都府路轉運司言乞通路特用舉主并資選人先具舉主考  
第到司公參月日申中吏部候符下方理名次射闕從之 元符元年正

月二十二日三省言吏部侍郎左遷諸縣簿尉相兼處請不注流外人  
言成都府轉運司陳憲乞監司歲舉明謹端恕善治獄者充錄事參軍詔  
令吏部立選法聞奏 二十七日左司諫陳次升言曰改官人除緣邊有  
急難外餘乞下得奏辟從之其已任李積中令吏部改正 咸宗崇寧二  
年五月二十三日吏部侍郎劉拯等奏今後不經部注授差違不顯存亡  
及十年者並移入別籍概充施行并吏部供到長定格諸色選人除本選  
數及類是停集外過格十年已上者於吏部南曹投狀准格敘磨勘依舊  
例召清資朝官保明委無偽濫違礙即與送銓降兩資注擬如無資可降  
江遠遠同類官其過格二十年已上者銓曹不在施行之限詔依長定格  
施行如十年不到部與降一官十年已上別置籍拘管限充施行二十年  
已上並落 二年七月八日吏部奏請今後選人納却色外更令依照寧  
武樣別供家狀冊子從之 五年十一月三日吏部尚書龔夬奏檢准節  
天願補滿前任者到任三十日內申入准詔今節文已用恩賞注闕而別  
選缺者聽留後任改便授告教五日內自陳緣外官多不知吏部合用條  
令賜出送上件日限吏部便將合得恩賞又補滿前任指揮更不施行欲  
自今後出送上件日限並只降名次違十日降一月違一月已上降一等

其補滿前任及曾用恩賞改任改使指彈自依舊詔額補前任者到任限  
半年用賞注滿而別就選闕者聽由後任改使授告教限一月內中陳  
致和二年七月二十九日詔訪聞有官人以員步缺少至累年不調多致  
因困朕甚憫之應令出官人待次半年以上無缺注擬及停廢替然已經  
一期可乞題本資序注擬一次每州不得過三人登科人並添差 三年  
正月二十七日吏部侍郎劉燠奏檢會本選合恩賞補資者任滿資非幕  
職官奏舉縣令及判領職任人與就任改正資序餘取財缺狀移注今未  
曾檢官若有該恩賞補資雖未有就任改正之文緣上件員闕皆許從事  
郎以上及令錄判司通注令相度欲將在任曾檢官該恩賞補資之人並  
合就改正資序從之 十月十八日吏部侍郎劉燠奏本選近承到旨編  
類選人名籍已分姓編錄選人鄉貫三代甲出身補資歷任舉官功過立  
定草卷修成四百冊本選郎官劉終日給承自早至暮雖沐務功督人吏  
編成案卷幾滿簿冊了畢本官奏日宣力伏望優與推恩詔劉終日辭  
別轉一言鄭律事見傳石 五年十二月五日吏部侍郎劉燠等奏承吏  
部左選合者非本郎注擬之官而後旨送部與合入差違或因體量負犯  
到部具資序遠近並休本郎條注本部與勅選人非本郎注擬如被旨送

部與合入差遣之人即未有明文令欲乞依左選法並依本部條法施行  
從之 七年五月二十五日吏部侍郎劉燠等奏與勸選人恩賞循資各  
隨見任官考革違轉內修職郎備一資擬從事郎若該改官有出身人  
宣義郎其修職郎無恩賞一任回該磨勘許開陞從政郎改宣義郎即是  
從事郎恩賞循資比之不該恩賞之人却降一寄改官願屬未均從未  
有申請令相度欲乞應修職郎因賞循入從事郎該改官如考依今入從  
事郎並從政郎法改所資各當恩賞從之 八年六月二十八日吏部奏  
據福建路復舉學事司中保明到李綱昨任從政郎充福州教授任內政  
和七年分教養學生六百人以上合該循一資仍減舉主一員改官中  
部乞推賞檢承教臣僚上言吏員增多本因入流之冗嘗考吏部磨勘除依  
舊法外有以任請局減考而改者有以任川遠減舉官而改者有恩酬資  
比類而改者有因大臣特降舉而改者有託因事到闕而改者有雜刑寺  
違礙先次而改者積之歲時殆將後倍伏望並行措置詔除川廣水土急  
弱去歲減舉官外餘並依元豐法勘會元豐法內即無福建路教授減舉  
官賞格既承上件指揮無減舉官副賞緣未有違等推賞條格合行申明  
詔李綱興減二年磨勘其選應減舉官一員改官副賞者與占射者差遣

一次 宣和三年四月二十七日中書省言吏部狀宣和二年十二月二十日敕政和八年三月二十日尚書省劄子檢會諸路買納鹽場官并販押鹽茶官自來合本路提舉鹽香司舉辟去要并權貨務管押號簿使臣及昨來新置鹽倉鹽官其間開並改作堂除今後且令逐處依元降朝旨辟官施行二月二十六日詔聽具名中尚書省差又劄子奉御筆今後遵依元豐四年七月二十八日詔書內外舉官悉依令尚書省依敕元豐舊制措置聞奏恭依御筆體敕元豐舊制措置到欲依下項數內一項元豐四年後來創置奏舉窠缺今措置除事於陵寢欲特存由依舊奏舉外餘並罷歸吏部內緣新法差官窠缺仍具名中差等並堂除檢會宣和元年五月十二日敕勘會諸路嚴舉內事于新法合朝廷差人窠缺如朝廷末差人間已入使闕條限詔令吏部別立選法出榜限五日召人指射其應選最高人擬定中尚書省又敕勘會上件窠闕既指射之人應選別無違礙若更中尚書省曉諭指揮差注顯屬往復由滯詔令吏部四選將應選擇最高之人便行差注除依已得指揮十二月十七日詔應事于新法朝廷差人窠闕已入使闕條限依宣和元年十月十六日指揮施行如滿一月無人願就中尚書省令其温州永嘉雙德鎮鹽場東張過滿闕等三闕

勘會上件關已是限滿依上指揮合申朝廷候指揮詔應事于新法合朝  
延差人某關已係過滿見關及已入使關條限如經一季別無關報到朝  
并吏部已差人指揮令元詳官司各逐除犯贖私罪人外餘並時許具名  
奏差候到仰吏部限五日擬差其差鈔監路分自來私監多處巡尉令監  
御史同提刑司踏逐有武勇人依此奏差餘依已降指揮 七年七月十  
三日吏部尚書李松等奏勘會本部差注並依名次及功賞高下昨緣蔡  
靖奏請因延見使殿親加職權有自選調而改合人官者伏望立法在請  
有舉主改官人上若選缺當在首選後來教令可立法諸奉御等將改官  
官人在應改官人之上選關仍聽先選本部兄遵依施行再與勘元初起  
請上謂親加職權自選調改官人今來其間有因臣僚陳乞因功賞開具  
奉御等將改官人即未審合與不合與親推人一例在應改官人以選關  
仍聽先選尚書省勘會奏請元奏請係謂引對親加職權御等將改官人  
詔申明行下 以上續國朝會要 高宗建炎元年五月一日赦應恩澤  
捕授文學並許依法召保注權入官 十二月十一日吏部員外郎林玘  
言吏部差注常患負多闕少而遠方僻郡有久缺正官蓋其弊在於權官  
利於所得計屬連司人吏匿缺不中及僻遠繁難窳缺人所不就至經年

無人注擬吏部既不差注州縣不復再申昨雖限以月日今轉運司具缺  
 申部令成虛文欲乞缺官所在今本州徑申吏部仍許監司互申則求爲  
 之弊可革及令本部條具僻遠繁難縣分揭示於關榜則自有願投之人  
 從之 二年正月十六日吏部侍郎劉珏言選人覃恩轉官緣流品冗糲  
 吏多舞文欲乞如不洩殘破州軍並元保明其選人在職如尋醫丁憂逃  
 適等在五月二日赦後者即許補轉五月一日赦前者不許陳乞仍諸州  
 保明狀內開具任滿停替事故及權攝之類候應使日給告從之 十月  
 十一日吏部言諸路闕官已擬注承直郎以下官其合赴人近多遲延不  
 赴欲乞從本部制刷今日以前應違年在之官程限外不赴官者許本部  
 不候報到一面使闕刷行差人符下本處照會若新差官欲赴而元差下  
 官先以到注部將新差官令赴部刷行注擬從之四年五月二十五日詔  
 選人投下改官文字日以姓名及到部月日聞御史臺置簿稽定依限勘  
 會起鈔雖小節未圓繁牘不在而舉官別無事故奏檢具存可以照驗並  
 聽先次施行 同日詔選人改官引驗訖不限或甲並許同報軍頭司不  
 候有公事權令引見候駐畢定日依舊 同日詔兩浙江東西路各差使  
 臣一員前去轉運司令即特行下逐州專差通判報括文武官見闕及到



任夫差替人去覈嚴立近限遞旋申發赴部仍將見刷到缺一面先作非  
次注擬所差使臣除程限五日發回 先是選人改官多因違限不為結  
絕以致積折舉主又兩浙等路自駐兵火關兵去處往往權攝或宣撫司  
便宜差違多非其人侍御史沈與求有請故有是詔 八月三日吏部傳  
郎綦崇禮言朝廷出給選人劄子並於所降到子內稱說係該差何酬實  
或何人奏奉或考仕閤陞所責日後有以照據從之 九月八日詔今後  
逐路官到任并任滿推恩指揮並不施行 先是京畿京東西陝西淮南  
路曾經破州縣例皆闕官到任人與轉一官選人備兩資候半年給告  
任滿更轉一官選人改合入官係無人願就故因此恩例後臣僚言今陝  
西路係宣撫司差注其餘路分亦鎮撫使一面辟置多是便鄉及利於私  
計之人與前未事體不同乞賜罷罷故有是詔 紹興九年六月十日吏  
部言文林郎嚴抑昨集注授平江察推後緣重疊改除洪州州學教授以  
親老路遠乞再歸部用元名次指射差遣從之 十三日詔八路舉闕除  
四川外已行借使差注者令吏部更借闕差注一次 七月十三日吏部  
侍郎李正民見侍缺選人約二百餘員雖有見使負闕一百五十餘缺嚴  
又多不應格令欲權宜措置並不以拘礙止以恩例名次高下差注一次

內職官許令錄人令錄許判司簿尉人縣丞許常調從事郎以上人奏舉  
從事郎以上知縣縣令許修職迪功郎人通注升就殘零閑人須候有先  
試人注使不盡當日依此差注內任滿應賞者更不推賞從之 十二月  
二十七日吏部言攝官出身人到部擬迪功郎如過破格閑郎不擬差注  
令有破格集注不盡累闕許行差注攝官一次候任滿更不推賞從之  
二年四月二十五日吏部侍郎黎確等言廷試日近依自來體例前半年  
內將本部應干累闕權暫停奉往別勘會職官令錄監當等近降指揮將  
到任一季之人並使高差注不行若更注判則在部人實難發遣欲乞  
候將來場名曰將到任人便行使闕應到詔自四月一日以後判司簿尉  
缺權停候數足黃甲人數目依舊 二十八日吏部侍郎蔡崇禮言今次  
新及第人自四甲以上並合依條集注恐臨時發遣不盡乞將司理并判  
司簿尉如係先令闕滿及過滿見闕已差下人未曾申到任者並許作黃  
甲闕差注合皆已差下人將未到任年滿缺候集注了日依舊詔司理特  
許權注一次餘從之 五月三日吏部言第五甲合參選者與在部人衆  
理名次欲乞將黃甲不盡缺以恩別名次高下衆同差注從之 六日詔  
令吏部將黃甲集注不盡二百餘缺作夏季集注一次 十日吏部言將

後百三年閏  
二月四日移此  
四年上

仕郎朱元飛祖待制銜係元祐黨籍人欲乞送部先次注徽合入差遣從  
之 後三年六月十日將仕郎李昉陳乞先父深係在黨籍人將仕郎曾  
隆陳乞先祖肇係在黨籍人並欲依例先次注授從之 十月二十三日  
吏部侍郎席益言本部尚書左選見今官員才到便行使缺侍郎左選昨  
申明須候一季以上見今在部選人約四百餘人無關差注乞依尚左例  
施行從之 四年四月十六日吏部侍郎劉奉吉紹興新書應用舉官奏  
狀到部方許收使承指揮自今年二月七日奉行本部未降新書以前并  
改外餘用舉主入選較量分數從事郎有舉主三人從政修職郎有四人  
通注縣令知縣並止繳照牒或奏檢其用舉主免試亦正繳奏檢似此收  
理名次判或行闕人數頗多若一一須要奏狀深慮留滯欲乞且依舊制  
其發奏在今年二月七日以後自合遵依新書施行從之 同日吏部言  
左選係行選人酬獎并改參選注授之類並合會問有無過犯欲從本部  
取索批書印紙照驗如無批上勒令自供結罪文狀就本部裁定施行候  
會到刑部大理寺所報已斷刑名有礙即改正庶免留滯從之 五月三  
日吏部侍郎劉奉吉言選人丁夢服闋滿米但曾到任本部作歷任人與免  
試恩例今紹興新書乃稱歷任為二年以上并取會係用元豐本選人修

三年閏二月  
以下條移前  
四年上

定緣舊法止是京朝官雜與選人一例況同欲乞將歷任為二年一節依  
元豐舊制釐為尚書左選令所有選人歷任亦乞依舊法以但曾到任人  
即與前項恩例從之 二十六日詔文學參選依條注見缺如願權往待  
闕差遣者聽 先是文學權官注簿尉堯嗣差注即臨時申請吏部侍郎  
劉沔乞再降指揮故有是命 六月二十二日三省樞密院賁功房言川  
陝等路宣撫司中張演元係太學生用茶攸門客恩例補登仕郎緣今來  
防獲納運有勞乞理選限奉司已便且出給照劄乞給降付身從之 二  
十九日詔選人待次未赴回朝延差役或辟差之人如不曾到任却已選  
闕與收理元在部未差以前名次朔行射闕從吏部侍郎劉沔請已 三  
年閏二月八日吏部侍郎鄭澣言侍左先緣員多缺少遂申請將選人應  
赴任去處每月刺副去闕其已注人已足待缺三年又將福建湖南廣東  
闕借使尚慮發遣不盡近來逐路運使又保明到見任官依八路差官法  
乞行展考即人加一年其待闕官無緣早得赴任乞自今如福建湖南廣  
東西路有文字到部乞權不許展考候將來本路使闕日從舊從之 三  
月六日吏部侍郎鄭澣言春秋銓試及試刑法教官并應文武官舉升有  
官應舉試中之人為去失初補付身赴部陳乞或乞收使已前試中恩例

雖有許名保收使及別給條令終難考驗欲令所官官司將前項人具錄  
元補試中名次保明俟候應使日繼連陳乞訖仍批鑒公據給還從之  
二十三日都省言選人因賞備資應改升資序依條合行罷任其任其  
殘破州縣差遠該到任賞人事體不同自合依舊在任從之 七月二十  
四日中書門下省言已降指揮諸路監司屬官差令錄以上資序人緣內  
有未註任人理難一概擬差詔今後並差令錄以上資序曾經任人 六  
年正月二十七日樞密部侍郎吳敦復言勘會初出官人雖試中刑法合  
在歷任二考之下差注今乞將初出官試中刑法得充試以上人與經任  
二考人作一考依名次差注從之 五月十四日吏部侍郎吳敦復言前  
懷集縣主簿黃庭瑞等狀判司簿尉資序人在部待次有二百餘員積壓  
差注一人行情願乞待兩任缺一併破格與集注今乞盡行剗刷應四年  
以下窠闕差注一次從之 八月二十一日吏部言登仕郎葉燠昨因駕  
幸外祖府弔推恩於政和二年准教授假承務郎照元補官數係是崇觀  
後來該載不盡非依格法補授之人詔降為文學 九月二十七日吏部  
侍郎吳敦復言檢會八月二十二日指揮小使臣校尉任諸州窠闕并諸  
路屬官到任任滿應有酬賞自來係監司保奏以兵火之後往往州軍一

而朕明中郎若更取會決致透滯可與審實依條實令侍左選人到任  
實未有該費乞依侍右指揮施行從之 八年九月三十日吏部侍郎晏  
敦復等言諸州錄參司理並原獄官內司理已許注歷任或歷任二考以  
上人令有錄參兼司戶處依紹興令立注初入官人妻是輕重不倫今欲  
將應諸州無錄參司戶去家差注歷任或歷任二考以上不緣犯罪嚴  
任之人一等表理名次差注從之 九年四月二十三日江淮荆浙等路  
監使司言吳勸監場買納官吏部格法係通四選差注今有許淮東提舉  
茶監場胡紡狀稱近來多差監當小使臣或初任人慮致敗事欲乞選差  
經任有舉官無過犯文臣奉司欲依奉官所乞從朝廷選差施行從之  
七月十五日流外出身見差吏職今後並不許用占射恩例投四年三季  
以上員缺使臣依此 先是吏部言流外人緣現任吏部有不妨注授差  
遣指揮又多酬獎占射既許占未便開欲擇優厚有職田去家不同五六  
年乞行榜示情願注授錄見充吏職自有請貽久待不妨遂致優厚開次  
多為流外人所占與勘庫尉司戶見使四年一季選闕其餘闕見使四年乞  
今後四年三季開占射恩例人止許占簿尉司戶未餘開許事占四年三  
季如日即合使窠闕並使半年其餘並不許指射從之 十一月八日臣

僚上言選人才出身則有黃甲注擬無出身則參部射缺此亦祖宗之條  
令其存也。比年以來選人才出身則多欲求為行在正字之職無出身者  
又求為教局糧屬之官未有一日老第未常一見吏民自此改秩大則為  
監司郡守其次猶為倖貳於法令慢不知於人情未知察弊失於人者多  
矣。非人才有不能吏也。故也。倘使經歷州縣一兩任從而真之朝廷其  
時出入中外必有可觀是乃所以養成之也。此選人之介競不可不抑也。  
詔令吏部措置申尚書省。十年三月二十日詔河南諸州并職官及縣  
令見闕去處如本部出缺已滿一月無人願就即行下本路許守臣選擇  
一次具名申取朝廷指揮。四月七日詔諸路檢法官如遇破格即許差  
曾任親氏人。十二年八月二十六日詔選人有占射恩例願占未使闕  
者止許占已差下一改替人未使果闕。十三年二月二十八日吏部言  
有官人充吏職不妨注授即係在任待次往往占佳闕自至闕到又行陳  
乞降指揮令以次人赴任其以授下人却復改替願是有妨本部差注今  
欲乞將應有官充吏職之人並不許理責任及不許理名次注授差遣及  
在職待缺庶幾杜絕僥倖從之。五月十一日詔流外出身人並許注破  
格司理。十四年三月二十三日吏部言紹興十一月九日敕選人應任

四考五考赴部注授日如願成資嚴任者聽本部勘會上件人其射闕曰  
少得舉主應格皆是於後任格足無有堂除舉辟定差及獻廟之類並未  
註載許令成資嚴任之天令乞依上件指揮施行從之 二十九年六月  
八日詔諸路司法除廣南已有紹興十年許行破格差注初官指揮外其  
餘司法并諸路監場舉缺並依前項指揮施行又詔應諸處重疊奏斷罪  
杖條錄故諸路常切遵守 先是吏部侍郎葉義問言選人到部利害有  
二一日破格差注係在部人七百餘員而補示止及三百昨降指揮錄參  
縣丞司理並許不依資序破格差注獨司法未有許破格之文更有監場  
舉缺非係親氏多無應格亦乞破格差注二日重疊奏舉昨未紹興增修  
存舉法應重發照牒及重疊奏舉並以違制論法令其在而近者士人投  
狀乞升改其所發奏狀乃多違法重疊保奏欲乞嚴降指揮如諸路有重  
疊奏舉者從本部檢舉一依敕令施行故有是詔 三十一年六月十四  
日詔侍郎左選合使縣令舉缺如久補無人願就許吏行破格差注一次  
從吏部侍郎袁景夏請也 九月二日敕應承直郎以下所任差遣有因  
事廢職元置司去廢不及批書之人許在外召保官二員委保批書候到  
部令吏部照驗出月文字實審放行 以上中興會要 孝宗紹興三年



二年乙卯任未幾元九月十三日吏部言該登極赦應永直郎以下在職  
任年祿廟人與儲一資亦令入詞始告其詞語定平乞降坐具鈔候重聞  
下部日付官告院依敕書寫出給從之十一月二十一日吏部言選人  
該覃恩儲資依條就任改正資序通理年月滿替外其餘合行移注所得  
儲資內有資序不同合行破考竊詳普恩即與自陳儲轉之人破考事體  
不同本部指更止依前本身舊資序請給許令終滿今任其備正資序之  
後所應過考第月日許據以前月日作實考狀使更不移注從之其後  
吏部復言選人依條因恩賞儲資應試者仍免試昨因在任該過覃恩所  
得儲資移注之人並收使儲資帶免試移注自承前降指揮之後覃恩儲  
資之人更不移注近累有選人罷任後陳乞在任該過覃恩儲資合帶免  
試參差緣有前降許免移注指揮即未改作應試人收使儲資帶免試措  
置破將是人在任該過覃恩合行儲資之人並許帶行免試從之孝宗  
隆興元年正月二十二日凌景夏言乞將選人若有過犯停替降資漸在  
三十二年六月十三日覃恩赦前之人許依大禮赦書減降收使酬資如  
元犯係是私罪若以姦刑部除落依得無過犯人例亦許方行差遣注授  
收使酬資并考功令議定破乞將命官如有似此因過犯展年之人即與

比附大禮赦恩充慶施行從之 四月五日詔今後選人改官每歲以八十員為額內將十員充應任及十二考減舉主改官人數如不足並聽缺  
 仍自今年為始 十三日吏部言左迪功郎衢州司法參軍林思紹用前  
 任三考舉主闕選從政郎緣本人任內該遇覃恩循文郎林郎係判司簿  
 尉各合就任移注差違本人不願開升止乞用覃恩循從政郎終滿今任  
 從之 八月五日吏部言依指揮省併吏顯侍郎左選見管主事二人全  
 吏四人守當官三十六人貼司指書共三十人令於守當官內減罷三人  
 止充貼司祇應并於貼司減罷六人却充私名祇應指書減罷五人以上  
 減罷人數並係依名次從下裁減其所減罷人候將來有闕却依元名次  
 從上撥填詔見在人且令依舊如將來遇缺更不遺補 二年三月二日  
 吏部侍郎葉鞠陳具弊事選人改官承直郎至修職郎用六考迪功郎七  
 考舉主應格方許磨勘自今並不許用迪功郎一色月日作六考并用減  
 年作實考及據攝月日放行磨勘從之 四月二十二日臣僚言選人任  
 曹幕官錄丞監當者皆有三考在任一年而存章及格即該開陞許外移  
 既注新任自可去官而輒置命不罷苟延歲月無由察見其弊乞自今選  
 人開陞外移者限一月離任於給降外移文字日任自使開行下奉處便

今嚴任仍報後官赴上從之 乾道二年三月十七日宰執進呈吏部長  
貳措置到選人改官引見令主班移近軒陛逐一宣名其間聖意或有所  
疑之人即乞指名宣諭吏部侍郎令同到都堂審驗如不中選即取旨別  
作施行上曰如此施行全在卿等盡心方得其實洪适等奏曰陛下既指  
定姓名雖且等子姪亦豈得容私如果非才即與改次等或更一任回改  
官仍重行舉之罰庶冒濫改官者鮮矣 先是張者乞將初改官人特  
出聖意擇一二臨軒引問吏部侍郎陳之茂以為不可乞下部措置從之  
吏部既言故有是命 十八日吏部言今據係推龍飛恩例即與尋常科  
舉年分不同本部若止以見傳面闕析未具注委是應副不行今措置將  
職官權展一年使闕司戶簿尉更展半年使闕內四川每次上刷職官六  
闕今未欲制職官三十闕司戶簿尉一百五十餘闕應副從之 六月二  
十二日詔轉運判官補發前官使副舉狀詐作職司使使從吏部申請也  
三年正月二十八日吏部狀近承乾道二年八月四日勅節文今後應  
奏補出身更不許用補授及三年三十元試參選仍自今降指揮日為  
始見行遵守外竊詳未降指揮之前本部有初出官選人用上件恩例已  
參選判或見待次及已注授差違未上鈔之人乞許酌指揮施行詔令吏

部放行 五月二日吏部左右選次勘會選人年六十小使臣年七十以上及尋醫年滿人并文學到部參選每日翰林院主醫官一員赴部診視委係文具今措置如遇有似此等人到部參選從長貳當官體量精力不衆別無疾病許依例注授從之 七月四日軍機進呈選人用舉主改官太監乞歲立為定額上曰如此不至太咻人情否葉額奏曰只是選得半年上曰獲賊功賞改官人却不可立額於是詔從吏部所擬每歲同存舉改官以一百人監賞三人四川換給改官以二十人立為定額歲終不足總關仍逐邑各置簿其引見改官人以進奏下日其行在職事官及外路就任改官獲私監及盜賊四川換給等改官人並以取會圓備上鈔日為先後次第之序至年終如各有溢額員數許於次年施行仍理為次年之額 十月七日臣僚上言乃者吏部有請引見并行在職事官及外路就任改官人一百員為額四川換給改官人以二十人為額已降指揮施行臣契勘四川見官六十一郡每歲止得二十八人東南共管一百二十九郡每歲却得百人除管職學官外路教授磨勘十餘員外以郡計之東南約三郡則改官者二人四川約六郡則改官者二人其多寡不均灼然可見緣此東南至今纔七十餘員而四川七月內已滿二十員之額其餘文字圓

備主待來平負額者不啻十有餘人豈無帶白之歎臣照得元祐中從吏  
部侍郎孫覺之請磨勘歲限其數而四川係在數內隆興元年用臣僚之  
言立定負額亦未嘗指出四川別為一項今來擬立防限將將四川置之  
額外未見其可乞將引見并行在職事官外路就任四川換給人通以一  
百一十人為額並以取會圓備上鈔日為先後之序庶幾遠近均一從之  
十一月二日大禮赦舊法初官補授及三年并年三十到部與充試自近  
降指揮並須銓試方得參部其間有年及五十以上之人今吏部權與放  
就殘零闕參部一次 同日大禮赦承直郎以下赴部注授差遣除犯賊  
私罪外其犯公罪狀以以會到刑寺見有公案未結絕合取旨之人且與  
放行參選注授後有特旨即依改正 四年二月二十三日權尚書吏部  
侍郎薛良朋言勘會選人祖父父母年七十或篤疾各無男丁無侍若  
年八十並前一年內召保官三員申尚書吏部應搜差違者聽指射家便  
續承乾道元年四月十八日指揮將陳乞家便恩列人若非本貫臨安府  
並合依條就本貫或流寓人於寄居州軍召保陳乞竊許上件指揮係平  
官負經本府召保陳乞之弊其間却有官員於本任州軍召保陳乞本部  
却作合經本貫或流寓人於寄居州軍陳乞行下委是行違違回今乞將

除先任選人有祖父父母年七十以上許經本任州軍召保陳乞外其  
土著人經本貫州或流寓人於寄居州軍召保陳乞申發到部之人自各  
遵依乾道元年四月十八日已降指揮施行從之 十月二十一日中書  
門下省言歸正文林郎孫子倫乞添差平江府吏監食替趙明年滿闕  
續准吏部告示稱本部即無替闕除法批送吏部勘當申本部勘當侍郎  
左選即無歸正文林添差許替闕指揮依批送令狀下部告示本人知委  
詔依孫子倫所乞今後如有以此類就替闕之人依此 十一月九日臣  
奏劉子辰乞明詔吏部立為定格今後選人任職廟者悉不理考第庶幾  
革偷情僥倖之弊從之 十二月二十六日詔除隆興元年恩科人所授  
秩廟已得指揮許理權官外餘並依乾道四年十一月九日指揮施行  
五年十月四日試尚書吏部侍郎薛良嗣劉子本部侍郎左選初官并悉  
任待次選人計五百餘負其見補諸州教授屬官職官錄參司理司法縣  
令縣丞簿尉監當共三百四十餘缺緣所補闕並是遠惡去處多不願就  
本部欲除屬官職官錄參縣令縣丞不注進欲納流外等入外乞將應見  
補闕嗣如已係破格去處許不以資序考第舉主路分年申奏法差注初  
官無過犯入一次從之 十年二月二十八日詔四川選人陞改所用舉

主令宣撫司覈實如無違礙即行放散出給公據保明申奏令吏部與先  
會同理作舉主收使 先是吏部侍郎陳良祐言竊見選人到部改官惟  
是川蜀遠道往往逾萬里小有差舛經隔年歲所以立法先令經制司放散  
蓋欲優恤遠人不使濡滯然到部會問得舉主有事故違礙在末放散日  
前即又不該奏舉謂如蜀中已行放散而其人或經論列或以致仕在蜀  
中未散之前即行下制置司告示本官及致奉官再求舉狀經制置司已  
行放散而本司又行告示即無再放散條法至申部陳乞吏部又不為貼  
用舉主以致往返迂回動經歲月補章未詳而前狀已析放散不再而補  
舉不行樞柄道塗皆可憐憫乞令四川選人貼用舉主與理元放散月日  
放行陞改故有是詔 五月四日吏部言侍郎左選見管吏額主事二人  
令吏四人書令史一十六人守當官一十五人正貼司一十七人私名三  
人楷書五人共六十二人為額內三人私名元無請給今欲減罷書令史  
二人守當官二人正貼司二人楷書一人以五十五人為額詔依擬定各  
從下載減將來見關日依名次撥填減下人額依條比換名目者聽 七  
年正月二十三日詔今後選人功分每高一任與當十分 以吏部言選  
人差注格高一任理當十分或高兩任三任者緣格內未有理當功分明

文故有是詔 九月二十八日中書門下省言舊法稱職司者謂轉運司  
副提點刑獄及朝廷專差宣撫使樞密訪察同知州縣直郎以下改官應  
有舉主者若轉運判官二員處均舉使副人數典理為職司近年以來在  
法本非職司一時申請將所舉官特降指揮理作司職收使有失祖宗舊  
法詔應即次降許理作職司指揮更不施行今後並遵依舊法仍有未平  
正月一日為始 十月三日中書門下省言改官人數每年通以一百二  
十員為額今年員數已定有溢額三十餘人尋候來年引見班次詔令吏  
部將已放散舉主人依條施行具見待班次人具奏引見放行改官今後  
更不限定年額八年七月一日吏部貢外郎錢佃言遇有應人遠小處  
策闕猶見行故法川廣福建為遠地其小處策闕依本選舊法諸州二萬  
戶縣五千戶以下並為小處本選遇有應注小處策闕之人開會戶部住  
往皆一萬戶以上無應縣言亡數日皆稱帳狀未到致差注不行伏覲尚  
書省左右選侍郎右選續修參附合諸差注應入遠小者去開下千里外  
為遠州以軍事縣以下縣為小欲乞比附三選條法差注施行從之 九  
年八月三日吏部言勘會承直郎以下官除無展磨勘除法外有故罷依  
差替人則到部合降兩月名次從之 九月四日樞密書吏部侍郎韓元



古言選人指射縣令尉錄參司理在外即下所在州軍知通銓量限六十  
日昨緣報應稽緩申請除程止限半月緣立限太狹報應不前今欲將在一  
外今銓量人比舊法六十日減半除程及假放外限一月不到許注以次  
人若到部選人願就縣令尉錄參司理而欲下歸鄉狀亦聽陳狀先就本  
部銓量在外指射即免更下所在州軍其已銓量而在一年外射闕者依  
舊下州軍銓量四川二廣收使舉主通注今丞并用舉主充試之人止欲  
照用入闕即非陞改文比令中發文字到部動經歲月其間亦有舉主在  
中發後事故者今欲將四川二廣定差應用舉主入差遣或充試人並依  
四川文學收使舉主條制仍以三司判或日高始庶幾川廣注授事體一  
同從之 同日吏部言依法有占射差遣之人許占本部已差下而政官  
未使員闕續承并事指揮並不許指占未使員缺緣在部選人員多缺少  
其間待缺之人有丁憂事故往往所在州軍不即時申聞或違奏院同行  
應匭不因占射恩例之人指畫本部無緣得知必致重閑闕次今乞令選  
人有占射恩例許依舊法并已差下兩政未使員缺從本部會問到備所  
占闕因依補示五日在部人通知如上名不就方許差注占缺之人仍委  
諸路監司按月行下所部去處若有待缺人丁憂事故即時入通程程限

中都有及吏部仍令建院查時分時注籍以防隱匿之弊從之以上乾  
道會要